

摘藻堂四庫全書薈要

經部

欽定四庫全書薈要

經部
詩經集傳卷二



詳校官原任侍講_臣王燕緒

欽定四庫全書薈要

詩經集傳序

或有問於予曰詩何為而作也予應之曰人生而靜天之性也感於物而動性之欲也夫既有欲矣則不能無思既有思矣則不能無言既有言矣則言之所不能盡

而發於咨嗟咏歎之餘者必有自然之音響節族音而

不能已焉此詩之所以作也曰然則其所以教者何也曰詩者人心之感物而形於言之餘也心之所感有邪

正故言之所形有是非惟聖人在上則其所感者無不正而其言皆足以為教其或感之之雜而所發不能無可擇者則上之人必思所以自反而因有以勸懲之是亦所以為教也昔周盛時上自郊廟朝廷而下達於鄉黨閭巷其言粹然無不出於正者聖人固已協之聲律而用之鄉人用之邦國以化天下至於列國之詩則天子巡守亦必陳而觀之以行黜陟之典降自昭穆而後寢以陵夷至於東遷而遂廢不講矣孔子生於其時既

不得位無以行勸懲黜陟之政於是特舉其籍而討論
之去其重複正其紛亂而其善之不足以為法惡之不
足以為戒者則亦刊而去之以從簡約示久遠使夫學
者即是而有以考其得失善者師之而惡者改焉是以
其政雖不足以行於一時而其教實被於萬世是則詩
之所以為教者然也曰然則國風雅頌之體其不同若
是何也曰吾聞之凡詩之所謂風者多出於里巷歌謠
之作所謂男女相與詠歌各言其情者也惟周南召南

親被文王之化以成德而人皆有以得其性情之正故其發於言者樂而不過於淫哀而不及於傷是以二篇獨為風詩之正經自邶而下則其國之治亂不同人之賢否亦異其所感而發者有邪正是非之不齊而所謂先王之風者於此焉變矣若夫雅頌之篇則皆成周之世朝廷郊廟樂歌之辭其語和而莊其義寬而密其作者往往聖人之徒固所以為萬世法程而不可易者也至於雅之變者亦皆一時賢人君子閔時病俗之所為

而聖人取之其忠厚惻怛之心陳善閉邪之意尤非後
世能言之士所能及之此詩之為經所以人事浹於下
天道備於上而無一理之不具也曰然則其學之也當
奈何曰本之二南以求其端參之列國以盡其變正之
於雅以大其規和之於頌以要其止此學詩之大旨也
於是乎章句以綱之訓詁以紀之諷詠以昌之涵濡以
體之察之情性隱微之間審之言行樞機之始則脩身
及家平均天下之道其亦不待他求而得之於此矣問

者唯唯而退余時方輯詩傳因悉次是語以冠其篇云
淳熙四年丁酉冬十月戊子新安朱熹序

欽定四庫全書薈要

詩經集傳篇目

第一卷

國風

周南

關雎 葛覃 卷耳 樛木 螽斯 桃
天 兔爰 芣苢 采芣 汝墳 麟之

趾

召南

鵲巢 采芣 草蟲 采蘋 甘棠 行
露 羔羊 殷其雷 標有梅 小星

江有汜 野有死麕 何彼穠矣 駒虞

第二卷

邶

柏舟

綠衣

燕燕

日月

終風

擊鼓

凱風

雄雉

匏有苦葉

谷風

式微

旄丘

簡兮

泉水

北門

北風

靜

女

新臺

二子乘舟

鄘

柏舟

牆有茨

君子偕老

桑中

鶉之

載馳

定之方中

蝮螭

相鼠

干旄

衛

淇奥

考槃

碩人

氓

竹竿

芄蘭

黍離

君子于役

君子陽陽

揚之水

中谷有推

兔爰

葛藟

采芣

大車

王

丘中有麻

第三卷

鄭

緇衣 將仲子 叔于田 大叔于田 清
人 羔裘 遵大路 女曰雞鳴 有女同

車 山有扶蘇 韋兮 狡童 褰裳 丰

東門之墠 風雨 子衿 揚之水 出

其東門 野有蔓草 溱洧

齊

鷄鳴 還 著 東方之日 東方未明
南山 甫田 盧令 敝笱 載驅 猗嗟

魏

葛屨 汾沮洳 園有桃 陟岵 十畝之
閒 伐檀 碩鼠

唐

蟋蟀 山有樞 揚之水 椒 聊 網繆
扶杜 羔裘 鴉羽 無衣 有杜 之杜

葛生 采芣

秦

車鄰

晨風

駟騏

無衣

小戎

涓陽

蒹葭

權輿

終南

黃鳥

陳

宛丘

門之楊

東門

墓門

防有

鵲巢

東門

月出

東

株林

澤陂

檜

羔裘

素冠

隰有

萋楚

匪風

曹

蜉蝣

候人

鴈鴒

下泉

豳

七月

狼跋

鸛鳴

東山

破斧

伐柯

九罭

第四卷

小雅

鹿鳴之什

鹿鳴
伐木

四牡
天保

皇皇者華
采薇
出車

常棣
杕杜

南陔

白華之什

白華
嘉魚

華黍
崇丘

魚麗
南山有臺

由庚

南有
儀

蓼蕭

湛露

第五卷

彤弓之什

彤弓
車攻

菁菁者莪
吉日
鴻鴈

六月

采芑

鶴鳴

祈父之什

祈父
斯干

白駒
無羊

黃鳥

節南山

我行其野

正月

月之交 雨無正

小旻之什

小旻 小宛 小弁 巧言 何人
斯 卷伯 谷風 蓼莪 大東

四月

北山之什

北山 無將 大車 小明 鼓鐘
楚茨 信南山 甫田 大田 瞻

彼洛矣 裳裳者華

桑扈之什

桑扈 鴛鴦 頌弁 車牽 青蠅
賓之初筵 魚藻 采芣 角弓

菀柳

都人士之什

都人士 采芣 黍苗 隰桑
白華 緜蠻 瓠葉 漸漸之石

苕之華 何草不黃

第六卷

大雅

文王之什

文王 思齊

大明 皇矣

緜 靈臺

棫樸 下武

旱麓 文王

有聲

生民之什

生民 公劉

行葦 洞酌

既醉 卷阿

鳧鷖 民勞

假樂 板

第七卷

蕩之什

蕩 抑 韓奕

桑柔 江漢

雲漢 常武

崧高 瞻卬

烝民 召旻

第八卷

頌

周頌清廟之什

清廟

維天之命

維清

烈

文天作

昊天有成命

我

將時邁執競思文

周頌臣工之什

臣工

噫嘻

維鷺

豐年

武

有替

潛

雖

載見

有容

周頌閔予小子之什

閔予小子

訪落

敬之

衣酌桓賚般

小毖

載芟

良耜

絲

魯頌

駟

有駟

泮水

闕宮

商頌

那

烈祖

玄鳥

長發

殷武

臣

等謹案詩經集傳八卷宋朱子撰宋志作二十卷文獻通考於集傳外尚有詩序辨說一卷統為二十一卷今本既不載序辨說而卷數復不符朱子嘗自謂少年淺陋之說久而有所更定陳振孫云江西所刻晚年本得於南康胡泳伯量較之建安本更定幾什一此

卷帙所由不同歟第未知此所傳者竟何本也朱子說詩盡去二序而集中有廣青衿之疑問句却用序說後人惑之要其涵濡諷詠務得性情之正此固律世之大防已其叶韻則其孫承議郎鑑取吳棫所著毛詩補音之說入之後儒不察以為亦朱子所采又以為取諸韻補皆非也乾隆四十年十月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷九百八十六

經部

詩經集傳卷一

宋 朱子 撰

國風一

國者諸侯所封之域而風者民俗歌謠之詩也謂之風者以其被上之化以有言而其言

又足以感人如物因風之動以有聲而其聲又足以動物也是以諸侯采之以貢於天子天子受之而列於樂官於以考其俗尚之美惡而知其政治之得失焉舊說二南為正風所以用之閨門鄉黨邦國而化天下也十三國為變風則亦領在樂官以時存肆備觀省而垂監戒耳合之凡十五國云

周南一之一

周國名南南方諸侯之國也周國本在禹貢雍州境內岐山之陽后稷十

三世孫古公亶父始居其地傳子王季歷至孫文王昌辟國寔廣於是徙都于豐而分岐周故地以

為周公旦召公奭之采邑且使周公為政於國中而召公宣布於諸侯於是德化大成於內而南方諸侯之國江沱汝漢之間莫不從化蓋三分天下而有其二焉至子武王發又遷于鎬遂克商而有天下武王崩子成王誦立周公相之制作禮樂乃采文王之世風化所及民俗之詩被之箎弦以為房中之樂而又推之以及於鄉黨邦國所以著明先王風俗之盛而使天下後世之脩身齊家治國平天下者皆得以取法焉蓋其得之國中者雜以南國之詩而謂之周南言自天子之國而被於諸侯不但國中而已也其得之南國者則直謂之召南言自方伯之國被於南方而不敢以繫于天子也岐周在今鳳翔府岐山縣豐在今京兆府鄠縣終南山北南方之國即今興元府京西湖北等路諸州鎬在豐東二十五里小序曰闕雝麟趾之化王者之風故繫之周公南言化自北而南也鵲巢

騶虞之德諸侯之風也先王之所以教故繫之名公斯言得之矣

關關雎

音

鳩在河之洲窈窕

音

窕

徒反

了

淑女君子好逑

音

○興也闕闕雌雄相應之和聲也雎鳩水鳥一名王雎狀類鳧鷖今江淮間有之生有定耦而不相亂耦常並遊而不相狎故毛傳以為摯而有別列女傳以為人未嘗見其乘居而匹處者蓋其性然也河北方流水之通名洲水中可居之地也窈窕幽閒之意淑善也女者未嫁之稱蓋指文王之妃大姒為處子時而言也君子則指文王也好亦善也逑匹也毛傳云摯字與至通言其情意深至也○興者先言他物以引起所詠之辭也周之文王生有聖德又得聖女姒氏以為之配宮中之人於其始至見其有幽閒貞靜之德故作是詩言彼闕闕然之雎鳩則相與和鳴於河洲之上矣此窈窕之淑女則豈非君子之善匹乎言其相與和樂而恭敬亦若雎

鳩之情摯而有別也後凡言興者其文意皆放此云漢
匡衡曰窈窕淑女君子好逑言能致其貞淑不貳其操
情欲之感無介乎容儀宴私之意不形乎動靜夫然後
可以配至尊而為宗廟主此綱紀之首王化之端也可
謂善說

○參

初金反

差

初宜反

苻

音杏

菜左右流之窈窕淑女

寤寐求之求之不得寤寐思服

叶蒲北反

悠哉悠哉輾

音轉展

反側

興也參差長短不齊之貌苻接余也根生水底莖如釵股上青下白葉紫赤圓徑寸餘浮在水面或

左或右言無方也流順水之流而取之也或寤或寐言
無時也服猶懷也悠長也輾者轉之半轉者輾之周反
者輾之過側者轉之留皆卧不安席之意○此章本其
未得而言彼參差之苻菜則當左右無方以流之矣此
窈窕之淑女則當寤寐不忘以求之矣蓋此人此德世
不常有求之不得則無以配君子而成其內治之美故

其憂思之深不能
自己至於如此也

○參差荇菜左右采

叶此禮反

之窈窕淑

女琴瑟友

叶羽已反

之參差荇菜左右采

音翹叶

之窈窕淑

女鐘鼓樂

音洛

之興也采取而擇之也芼熟而薦之也琴

小者也友者親愛之意也鐘金屬鼓革屬樂之大者也
樂則和平之極也○此章据今始得而言彼參差之荇
菜既得之則當采擇而亨芼之矣此窈窕之淑女既得
之則當親愛而娛樂之矣蓋此人此德世不常有幸而
得之則有以配君子而成內治故其
喜樂尊奉之意不能自己又如此云

關雎三章一章四句二章章八句

孔子曰關雎樂而不淫哀而不

傷愚謂此言為此詩者得其性情之正聲氣之和也蓋德如雎鳩摯而有別則后妃性情之正固可

以見其一端矣至於寤寐反側琴瑟鐘鼓極其哀樂而皆不過其則焉則詩人性情之正又可以見其全體也獨其聲氣之和有不可得而聞者雖若可恨然學者姑即其辭而玩其理以養心焉則亦可以得學詩之本矣○匡衡曰妃匹之際生民之始萬福之原婚姻之禮正然後品物遂而天命全孔子論詩以闕雎為始言大上者民之父母后夫人之行不侔乎天地則無以奉神靈之統而理萬物之宜自上世以來三代興廢未有不由此者也

葛之覃兮

音異

于中谷維葉萋萋黃鳥于飛集于灌木

其鳴喈喈

叶居奚反

○賦也

葛草名蔓生可為絺綌者也

覃延施移也中谷谷中也萋萋盛貌黃鳥鸝也灌木叢木也喈喈和聲之遠聞也○賦者敷陳其事而直言之者也蓋后妃既成絺綌而賦其事追叙初夏

之時葛葉方盛而有黃鳥鳴於其上也後凡言賦者放此

○葛之覃兮施于中谷維

葉莫莫是刈

又音

是獲

鑊音

為絺

癡音

為綌

音隙

去略反

服之無斲

斲

音亦叶弋灼反○賦也莫莫茂密貌刈斬獲煮也精曰

絺麤曰綌斲厭也○此言盛夏之時葛既成矣於是治

以為布而服之無厭蓋親執其勞而知其成之

不易所以心誠愛之雖極垢弊而不忍厭棄也

○言告

師氏言告言歸薄汚我私薄澣

音緩

我衣害

音屬

澣害否

如字

歸寧父母

賦也言辭也師女師也薄猶少也汚煩擗之

私燕服也衣禮服也害何也寧安也謂問安也○上章

既成絺綌之服矣此章遂告其師氏使告于君子以將

歸寧之意且曰盍治其私服之汚而澣其禮服之衣乎

何者當澣而何者可以未澣乎我將服之以歸寧於父

矣 母

葛覃三章章六句

此詩后妃所自作故無贊美之辭然於此可以見其已貴而能

勤已富而能儉已長而敬不弛於師傅已嫁而孝不衰於父母是皆德之厚而人所難也小序以為

后妃之本庶幾近之

采采卷

上聲

耳不盈頃

音傾

筐嗟我懷人寘彼周行

叶戶郎反

○賦

也采采非一采也卷耳象耳葉如鼠耳叢生如盤頃歌也筐竹器懷思也人蓋謂文王也寘舍也周行大道也

○后妃以君子不在而思念之故賦此詩託言方采卷耳未滿頃筐而心適念其君子故不能復采而寘之大

道之

○陟彼崔嵬我馬虺隤我姑酌彼金罍

音推音巍音我音馬音虺音隤音我音姑音酌音彼音金音罍

旁也

維以不永懷

叶胡隈反○賦也陟升也崔嵬土山之戴石者廼隕馬罷不能升高之病姑且也壘

酒器刻為雲雷之象以黃金飾之永長也○此又託言欲登此崔嵬之山以望所懷之人而往從之則馬罷病而不能進於是且酌金壘之酒而欲其不至於長以為念也

○陟彼高岡我馬玄黃

我姑酌彼兕觥

音似觥

音肱叶古黃反

維以不永傷

賦也山脊曰岡玄黃玄馬而黃

病極而變色也兕野牛一角青色重千斤觥爵也以兕角為爵也

○陟彼砠

音疋

矣我馬

瘠

音塗

矣我僕痡

音敷

矣云何吁矣

賦也石山戴土曰砠瘠馬病不能進也痡人病

不能行也吁憂歎也爾雅注引此作盱張目望遠也詳見何人斯篇

卷耳四章章四句

此亦后妃所自作可以見其貞靜專一之至矣豈當文王朝會

征伐之時美里拘幽之

日而作歟然不可考矣

南有樛

音鳩

木葛藟

音壘

音雷

之樂

音洛

只

音紙

君子福履綏之

興也南南山也木下曲曰樛藟葛類壘猶繫也只語助

辭君子自衆妾而指后妃猶言小君內子也履祿綏安

也○后妃能逮下而無嫉妒之心故衆妾樂其德而稱

願之曰南有樛木則葛藟壘之矣樂只君子則福履綏

之矣○南有樛木葛藟荒之樂只君子福履將之

興也荒奄也將

猶扶○南有樛木葛藟音高之樂只君子福履成之

助也

興也縈旋成就也

樛木三章章四句

螽

音終

斯羽詵詵

音華

兮宜爾子孫振振

音真

兮

比也螽斯蝗屬長而青長

角長股能以股相切作聲一生九十九子詵詵和集貌爾指螽斯也振振盛貌○比者以彼物比此物也后妃

不妒忌而子孫衆多故衆妾以螽斯之孳處和集而子孫衆多比之言其有是德而宜有是福也後凡言比者

放此○螽斯羽薨薨兮宜爾子孫繩繩兮

比也薨薨孳飛聲繩繩不絕貌

○螽斯羽揖揖

音緝

兮宜爾子孫蟄蟄兮

比也揖揖會聚也蟄蟄亦多意

螽斯三章章四句

桃之夭夭

音腰

灼灼其華

音花

之子于歸宜其室家

興也桃木名華

紅實可食天天少好之貌灼灼華之盛也木少則華盛之子是子也此指嫁者而言也婦人謂嫁曰歸周禮仲

春令會男女然則桃之有華正婚姻之時也宜者和順之意室謂夫婦所居家謂一門之內○文王之化自家而國男女以正婚姻以時故詩人因所見以起○桃之興而歎其女子之賢知其必有以宜其室家也

天天有蕢

音文

其實之子于歸宜其家室

興也蕢實之盛也家室猶室家

也

○桃之天天其葉蓁蓁

音蓁之子于歸宜其家人

葉之盛也家人一家之人也

桃夭三章章四句

肅肅兔置

音嗟又子余反與夫叶

椽之丁丁

音爭

赳赳武夫公侯干

城

興也肅肅整飭貌置罟也丁丁椽杙聲也赳赳武貌干盾也干城皆所以扞外而衛內者○化行俗美賢

才衆多雖置免之野人而其才之可用猶如此故詩人因其所事以起興而美之而文王德化之盛因可見矣

○肅肅兔罝施于中逵赳赳武夫公侯好仇

○叶渠之反

九達之道仇與逵同匡衡引闕睢亦作仇字公侯善匹猶曰聖人之耦則非特干城而已歎美之無已也下章

此放

○肅肅兔罝施于中林赳赳武夫公侯腹心

興也中

腹心同心同德之謂則又非特好仇而已也

兔罝三章章四句

采采芣苢

音苢

以薄言采

叶此

之采采芣苢薄言有

叶羽

之賦也芣苢車前也大葉長穗好生道旁采始求之也有既得之也○化行俗美家室和平婦人無事相與

采此芣苢而賦其事以相樂也采之未詳何用或曰其子治產難

○采采芣苢薄言掇

都奪反

之采采芣苢薄言捋

力活反

之

賦也掇拾也捋取其子也

○采采芣

苢薄言結

音結

之采采芣苢薄言禠

音絮

之賦也結以衣貯之而執其衽也

禠以衣貯之而扱其衽於帶間也

芣苢三章章四句

南有喬木不可休息漢有游女不可求思漢之廣

叶古曠反

矣不可泳

叶于誑反

思江之永

叶弋亮反

矣不可方

叶甫妄反

思

興而比也

上竦無枝曰喬思語辭也篇內同漢水出興元府嶓冢山至漢陽軍大別山入江江漢之俗其女好游漢魏以

後猶然如大堤之曲可見也泳潛行也江水出永康軍岷山東流與漢水合東北入海永長也方桴也○文王之化自近而遠先及於江漢之間而有以變其淫亂之俗故其出游之女人望見之而知其端莊靜一非復前日之可求矣因以喬木起興○翹翹錯薪言刈其楚江漢為比而反復詠歎之也

之子于歸言秣其馬

叶滿補反

漢之廣矣不可泳思江之永

矣不可方思

興而比也翹翹秀起之貌錯雜也楚木名荆屬之子指游女也秣飼也○以錯薪起

興而欲秣其馬則悅之至以江漢為比而歎其終不可求則敬之深

○翹翹錯薪言刈其

萋

音問之子于歸言秣其駒漢之廣矣不可泳思江之永

矣不可方思

興而比也萋萋蒿也葉似艾青白色長數寸生水澤中駒馬之小者

漢廣三章章八句

遵彼汝墳伐其條枚

梅音

未見君子惄

音

如調

音

飢

賦也

循

也汝水出汝州天息山徑蔡潁州入淮墳大防也枚曰

條幹曰枚惄飢意也調一作調重也○汝旁之國亦先

被文王之化者故婦人喜其君子行役而歸因

記其未歸之時思望之情如此而追賦之也

○遵彼

汝墳伐其條肄

音

既見君子不我遐棄

賦也

斬而復生

曰肄遐遠也

○

伐其枚而又伐其肄則踰年矣至是乃

見其君子之歸而喜其不遠棄我也

○魴魚鱣

音

鱣

音

鱣

尾王室如燬

音

雖則如燬父母孔邇

比也

魴魚名身

廣而薄少力細

鱣鱣赤也

魚勞則尾赤魴尾本白而今赤則勞甚矣王

室指紂所都也燬焚也父母指文王也孔甚邇近也○

鱣鱣赤也魚勞則尾赤魴尾本白而今赤則勞甚矣王

室指紂所都也燬焚也父母指文王也孔甚邇近也○

是時文王三分天下有其二而率商之叛國以事紂故汝墳之人猶以文王之命供紂之役其家人見其勤苦而勞之曰汝之勞既如此而王室之政方酷烈而未已雖其酷烈而未已然文王之德如父母然望之甚近亦可以忘其勞矣此序所謂婦人能閔其君子猶勉之以正者蓋曰雖其別離之久思念之深而其所以相告語者猶有尊君親上之意而無情愛狎昵之私則其德澤之深風化之美皆可見矣一說父母甚近不可以懈於王事而貽其憂亦通

汝墳三章章四句

麟之趾振振

音真

公子

叶莫里反

于

音吁

嗟麟兮

興也麟麋身牛尾馬蹄毛蟲之

長也趾足也麟之足不踐生草不履生蟲振振仁厚貌

于嗟歎辭○文王后妃德脩于身而子孫宗族皆化於

善故詩人以麟之趾興公之子言麟性仁厚故其趾亦仁厚文王后妃仁厚故其子亦仁厚然言之不足故又嗟歎之言是乃麟也何必麕身牛尾而馬蹄然後為王者之瑞哉

○麟之定音訂振振公

姓于嗟麟兮

興也定額也麟之額未聞或曰有額而不以抵也公姓公孫也姓之為言生也

○

麟之角

叶盧谷反

振振公族于嗟麟兮

興也麟一角角端有肉公族公同高祖祖

廟未毀有服之親

麟之趾三章章三句

序以為闕睢之應得之

周南之國十一篇三十四章百五十九句

按此篇首

五詩皆言后妃之德闕睢舉其全體而言也葛覃卷耳言其志行之在已樛木螽斯美其德惠

之及人皆指其一事而言也其辭雖主於后妃然其實則皆所以著明文王身脩家齊之效也至於桃夭免置芣苢則家齊而國治之效漢廣汝墳則以南國之詩附焉而見天下已有可平之漸矣若麟之趾則又王者之瑞有非人力所致而自至者故復以是終焉而序者以為闕眚之應也夫其所以至此后妃之德固不為無所助矣然妻道無成則亦豈得而專之哉今言詩者或乃專美后妃而不本於文王其亦誤矣

召南一之二

召地名召公奭之采邑也舊說扶風雍縣南有召亭即其地今雍縣析為

岐山天興二縣未知名亭的在何縣餘已見周南篇

維鵲有巢維鳩居

御叶姬反

之子于歸百兩御

如字又音亮

御音迓

叶魚之興也鵲鳩皆鳥名鵲善為巢其巢最為完固鳩

據反

性拙不能為巢或有居鵲之成巢者之子指夫

人也兩一車也一車兩輪故謂之兩御迎也諸侯之子

嫁於諸侯送御皆百兩也○南國諸侯被文王之化能

正心脩身以齊其家其女子亦被后妃之化而有專靜

純一之德故嫁於諸侯而其家人美之曰維鵲有巢則

鳩來居之是以之子于歸而百兩迎○維鵲有巢維鳩

之也此詩之意猶周南之有關雎也

方之之子于歸百兩將之

興也方有之也將送也

○維鵲有巢維

鳩盈之之子于歸百兩成之

興也盈滿也謂衆媵姪姊之多成成其禮也

鵲巢三章章四句

于以采芣于沼于沚于以用之公侯之事

叶上止反賦也于於也

繫白蒿也沼池也泚渚也事祭事也○南國被文王之化諸侯夫人能盡誠敬以奉祭祀而其家人叙其事以美之也或曰繫所以生蠶蓋古者后夫人有親蠶之禮此詩亦猶周南之有葛覃也○于以采繫

于澗之中于以用之公侯之宮

賦也山夾水曰澗宮廟也或曰即記所謂公桑

蠶室也

○被

音備

之僮僮

音同

夙夜在公被之祁祁

薄言還

音旋

歸

賦也被首飾也編髮為之僮僮竦敬也夙早也公公所也祁祁舒遲貌去事有儀也祭義曰及祭之後陶

陶遂遂如將復入然不欲遽去愛敬之無已也或曰公即所謂公桑也

采芣三章章四句

嘒嘒

音腰

草蟲趨趨阜螽未見君子憂心忡忡

音充

亦既見

止亦既覲止我心則降

音杭叶乎攻反○賦也嚶嚶聲也草蟲蝗屬奇音青色趨躍

貌阜螽蟻也忡忡猶衝衝也止語辭覲過降下也○南國被文王之化諸侯大夫行役在外其妻獨居感時物之變而思其君子如此

○陟彼南山言采其蕨未見君

子憂心惓惓

音拙

亦既見止亦既覲止我心則說

音悅○賦也登

山蓋託以望君子蕨蕨也初生無葉時可食亦感時物之變也惓憂貌

○陟彼南山言采

其薇未見君子我心傷悲亦既見止亦既覲止我心則

夷

賦也薇似蕨而差大有芒而味苦山間人食之謂之迷蕨胡氏曰疑即莊子所謂迷陽者夷乎也

草蟲三章章七句

于以采蘋南澗之濱于以采藻于彼行潦

音老○賦也
蘋水上浮萍

也江東人謂之蘓濱厓也藻聚藻也生水底莖如釵股
葉如蓬蒿行潦流潦也○南國被文王之化大夫妻能

奉祭祀而其家人
叙其事以美之也

○于以盛成之維筐及筥

音舉

于以湘

之維錡

音蠟

及釜

音父

○賦也方曰筐圓曰筥湘烹也蓋

粗熟而淹以為菹也錡釜屬有足曰錡

無足曰釜○此足以見其
循序有常嚴敬整飭之意

○于以奠之宗室牖下

叶後
五反

誰其尸之有齊季女

音齊

賦也奠置也宗室大宗之廟也

大夫士祭於宗室牖下室西南

隅所謂奧也尸主也齊敬貌季少也祭祀之禮主婦主
薦豆實以菹醢少而能敬尤見其質之美而化之所從

來者
遠矣

采蘋三章章四句

蔽芾

音廢

甘棠勿翦勿伐召伯所茇

音鉞

○賦也蔽芾盛貌甘棠杜梨也白者

為棠赤者為杜翦翦其枝葉也伐伐其條榦也伯方伯也茇草舍也○召伯循行南國以布文王之政或舍甘

棠之下其後人思其德故愛其樹而不忍傷也

○蔽芾甘棠勿翦勿敗

叶蒲寐反

召

伯所憩

音器○賦也敗折憩息也勿敗則非特勿伐而已愛之愈久而愈深也下章放此

○蔽

芾甘棠勿翦勿拜

叶變制反

召伯所說

音稅○賦也拜屈說舍也勿拜則非特勿

敗而已

甘棠三章章三句

厭

入聲

浥

邑音

行露豈不夙夜

叶羊反

謂行多露

賦也厭浥濕意行道夙早

也○南國之人遵召伯之教服文王之化有以草其前日淫亂之俗故女子有能以禮自守而不為強暴所污者自述已志作此詩以絕其人言道問之露方濕我豈不欲早夜而行乎畏多露之沾濡而不敢爾蓋以女子早夜獨行或有強暴侵陵之患故託以行多露而畏其沾濡也

○誰謂雀無角

叶慮谷反

何以速我獄

以穿我屋誰謂女

汝音

無家

叶音谷

何以速我獄雖速我獄

室家不足

興也家謂以媒聘求為室家之禮也速召致也○貞女之自守如此然猶或見訟而召致

於獄因自訴而言人皆謂雀有角故能穿我屋以興人皆謂汝於我嘗有求為室家之禮故能致我於獄然不知汝雖能致我於獄而求為室家之禮初未嘗備如雀雖能穿屋而實未嘗有角也

○誰謂鼠無

牙

叶五反

何以穿我墉誰謂女無家

叶各反

何以速我訟

叶祥

容雖速我訟亦不女從

興也牙牡齒也墉牆也○言汝雖能致我於訟然其求為室家

之禮有所不足則我亦終不汝從矣

行露三章一章三句二章章六句

羔羊之皮

叶蒲何反

素絲五紵

音駝

退食自公

音威

蛇

音移何反

委蛇

賦也小曰羔大曰羊皮所以為裘大夫燕居之服素白也蛇未詳蓋以絲飾裘之名也退食退朝而

食於家也自公從公門而出也委蛇自得之貌○南國化文王之政在位皆節儉正直故詩人美其衣服有常而從容自得如此也○羔羊之革

叶訖反

素絲五緘

音域

委蛇委蛇自

公退食

賦也革猶皮也
絨表之縫界也

○羔羊之縫

音逢

素絲五總

音宗

委

蛇委蛇退食自公

賦也縫縫皮合之以
為表也總亦未詳

羔羊三章章四句

殷

音隱

其雷在南山之陽何斯違斯莫敢或遑振振

音真

君

子歸哉歸哉

興也殷雷聲也山南曰陽何斯斯此人也
違斯斯此所也遑暇也振振信厚也○南

國被文王之化婦人以其君子從役在外而思念之故
作此詩言殷殷然雷聲則在南山之陽矣何此君子獨
去此而不敢少暇乎於是又美其德且冀其早畢事而還歸也

○殷其雷在南山之側

叶莊
力反

何斯違斯莫敢遑息振振君子歸哉歸哉

興也息止也

○殷其雷在南山之下

叶後五反

何斯違斯莫或遑處

上聲振

振君子歸哉歸哉

興也

殷其雷三章章六句

標音殍有梅其實七兮求我庶士迨其吉兮

賦也標落也梅木名華白

實似杏而酢庶衆迨及也吉吉日也○南國被文王之化女子知以貞信自守懼其嫁不及時而有強暴之辱也故言梅落而在樹者少以見時過而大晚矣求我之衆士其必有及此吉日而來者乎

○標有梅

其實三

叶疏簪反

兮求我庶士迨其今兮

賦也梅在樹者三則落者又多矣今

今日也蓋不待吉矣

○標有梅頃

音傾

筐既

許器反

之求我庶士迨其

謂之

賦也墜取也頃筐取之則落之盡矣謂之則但相告語而約可定矣

標有梅三章章四句

嘒

音

彼小星三五在東肅肅宵征夙夜在公寔命不同

興也嘒微貌三五言其稀蓋初昏或將旦時也肅肅齊邀貌宵夜征行也寔與實同命謂天所賦之分也○南國夫人承后妃之化能不妒忌以惠其下故其衆妾美之如此蓋衆妾進御於君不敢當夕見星而往見星而還故因所見以起興其於義無所取特取在東在公兩字之相應耳遂言其所以如此者由其所賦之分不同於貴者是以深以得御於君為夫人之惠而不敢致怨於往來之勤也

○嘒彼小星維參

所森

與昴

叶力

肅肅宵征抱衾與裯

音

實命不猶

興也

西方二宿之名衾被也。裯禪被也。興亦取與。昴與裯二字相應。猶亦同也。

小星二章章五句

呂氏曰：夫人無妒忌之行而賤妾安於其命，所謂上好仁而下

必好義者也。

江有汜

音祀叶羊里反

之子歸不我以不我以其後也悔

叶虎浦反

○興也。水決復入為汜。今江陵漢陽安復之間，蓋多有之。子媵妾指嫡妻而言也。婦人謂嫁曰歸。我媵自我也能左右之，曰以謂扶已而偕行也。○是時汜水之旁媵有待年於國而嫡不與之偕行者，其後嫡被后妃夫人之化，乃能自悔而迎之。故媵見江水之有汜而因以起興言江猶有汜而之子之歸乃不我以，雖不我以然其後也亦悔矣。

○江有渚之子歸不我與不我與其後也處

興也

渚小洲也水岐成渚與猶以也處安也得其所安也

○江有沱

沱音

之子歸不我過

音不我過其嘯也歌

興也沱江之別者過謂過我而與俱也嘯噉口出聲以舒憤懣之氣

言其悔時也歌則得其所處而樂也

江有汜三章章五句

陳氏曰小星之夫人惠及媵妾而媵妾盡其心江沱之嫡

惠不及媵妾而媵妾不怨蓋父雖不慈子不可以不孝各盡其道而已矣

野有死麇

俱倫反與春叶

白茅包

叶補苟反

之有女懷春吉士誘之

興也麇獐也鹿屬無角懷春當春而有懷也吉士猶美士也○南國被文王之化女子有貞潔自守不為強暴所汚者故詩人因所見以興其事而美之或曰賦也言美士以白茅包其死麇而誘懷春之女也

○林

有樸

反 蒲木

檝

速音

野有死鹿白茅純

豚音 東有女如玉 樸檝

小木也鹿獸名有角純束猶包之也如玉者美其色也上三句興下一句也或曰賦也言以樸檝藉死鹿束以

白茅而誘此如玉之女也

○舒而脫脫

兌音

兮無感我悅

稅音

兮無使尤

美邦反

也吠

符廢反○賦也舒遲緩也脫脫舒緩貌感動悅中龍犬也○此章乃述女子拒之之辭言

姑徐徐而來毋動我之悅毋驚我之犬以甚言其不能相及也其凜然不可犯之意蓋可見矣

野有死麇三章二章章四句一章三句

何彼穠

音濃 與 離叶

矣唐棣

第音

之華曷不肅雖王姬之車

興也

穠盛也猶曰戎戎也唐棣移也似白楊肅敬雖和也周王之女姬姓故曰王姬○王姬下嫁於諸侯車服之盛

如此而不敢挾貴以驕其夫家故見其車者知其能敬且和以執婦道於是作詩以美之曰何彼戎戎而盛乎乃唐棣之華也此何不肅肅而敬雖雖而和乎乃王姬之車也此乃武王以後之詩不可的知其何王之世然文王大姒之教久而不衰亦可見矣

○何彼穠矣華如桃李平王之孫齊

侯之子

叶獎里反○興也李木名華白實可食舊說平正也武王女文王孫適齊侯之子或曰平王即

平王宜曰齊侯即襄公諸兒事見春秋未知孰是○以桃李二物興男女二人也

○其釣維何

維絲伊緡齊侯之子平王之孫

叶須倫反○興也伊亦維也緡綸也絲之合而

為綸猶男女之合而為昏也

何彼穠矣三章章四句

彼茁

音拙

者葭

音加

壹發五豝

音巴

于

音吁

嗟乎騶虞

叶音牙

賦也

茁生

○

出壯盛之貌葭蘆也亦名葦發發矢豝豝豕也一發五

豝猶言中必疊雙也騶虞獸名白虎黑文不食生物者

也○南國諸侯承文王之化脩身齊家以治其國而其

仁民之餘恩又有以及於庶類故其春田之際草木之

茂禽獸之多至於如此而詩人述其事以美之且歎

之曰此其仁心自然不由勉強是即真所謂騶虞矣○

彼茁者蓬壹發五豝

音宗

于嗟乎騶虞

叶五紅反

賦也

蓬草名一歲曰豝

豝

豝

豝

豝

豝

豝

亦小豝也

騶虞二章章三句

文王之化始於闕雎而至於麟

趾則其化之入人者深矣形於

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠

心正之功不息而久則其熏蒸透徹融液周徧自

鵠巢而及於騶虞則其澤之及物者廣矣蓋意誠心正之功不息而久則其熏蒸透徹融液周徧自

有不能已者非智力之私所能及也故序以騶虞為鵲巢之應而見王道之成其必有所傳矣

召南之國十四篇四十章百七十七句

愚按鵲巢至采

蘋言夫人大夫妻以見當時國君大夫被文王之化而能脩身以正其家也甘棠以下又見由方伯能布文王之化而國君能脩之家以及其國也其辭雖無及於文王者然文王明德新民之功至是而其所施者溥矣抑所謂其民皞皞而不知為之者興唯何彼穠矣之詩為不可曉當闕所疑耳○周南召南二國凡二十五篇先儒以為正風今姑從之○孔子謂伯魚曰女為周南召南矣乎人而不為周南召南其猶正牆面而立也與○儀禮鄉飲酒鄉射燕禮皆合樂周南關雎葛覃卷耳召南鵲巢采蘋采芣燕禮又有房中之樂鄭氏注曰弦歌周南召南之詩

而不用鐘磬云房中者后夫人之所諷誦以事其君子○程子曰天下之治正家為先天下之家正則天下治矣二南正家之道也陳后妃夫人大夫妻之德推之士庶人之家一也故使邦國至於鄉黨皆用之自朝廷至於委巷莫不謳吟諷誦所以風化天下

詩經集傳卷一

欽定四庫全書薈要卷九百八十七

經部

詩經集傳卷二

宋 朱子 撰

邶一之三

邶 鄘 衛 三國名在禹貢冀州西阻太行北逾衛漳東南跨河以及兗州桑土之

野及商之季而紂都焉武王克商分自紂城朝歌而北謂之邶南謂之鄘東謂之衛以封諸侯邶鄘不詳其始封衛則武王弟康叔之國也衛本都河北朝歌之東淇水之北百泉之南其後不知何時并得邶鄘之地至懿公為狄所滅戴公東徙渡河野處漕邑文公又徙居于楚丘朝歌故城在今衛州衛縣西二十二里所謂殷墟衛故都即今衛縣漕楚丘皆在滑州大抵今懷衛澶相滑濮等州開封大名府界皆衛境也但邶鄘地既入衛其詩皆為衛事而猶繫其故國之名則不可曉而舊說以

此下十三國

皆為變風焉

汎

反芳梵

彼柏舟亦汎其流耿耿

反古幸

不寐如有隱憂微

我無酒以敖

音翺以遊

比也汎流貌柏木名耿耿小明憂之貌也隱痛也微猶非也○婦人

不得於其夫故以柏舟自比言以柏為舟堅緻牢實而不以乘載無所依薄但汎然於水中而已故其隱憂之深如此非為無酒可以敖遊而解之也列女傳以此為婦人之詩今考其辭氣卑順柔弱且居變風之首而與下篇相類豈亦莊姜之詩也歟○我心匪鑿不可以茹音孺亦有兄弟不

可以據薄言往愬逢彼之怒

賦也鑿鏡茹度據依愬告也○言我心既匪鑿而不

能度物雖有兄弟而又不可依以為重故往告之而反遭其怒也

○我心匪石不可轉

也我心匪席不可卷

音捲

也威儀棣棣不可選也

賦也棣棣富而

閑習之貌選簡擇也○言石可轉而我心不可轉席可卷而我心不可卷威儀無一不善又不可得而簡擇取舍皆自反而無闕之意

○憂心悄悄

七小反

愠于羣小覲

音垢

閔既多

受侮不少靜言思之寤辟

音闕

有標

音殍

○賦也悄悄憂貌愠怒意羣小衆妾

也言見怒於衆妾也覲見閔病也辟拊心也標拊心貌

○日居月諸胡迭

音埵

而微

心之憂矣如匪澣

音緩

衣靜言思之不能奮飛

比也

居諸語辭迭更

微虧也匪澣衣謂垢污不濯之衣奮飛如鳥奮翼而飛去也○言日當常明月則有時而虧猶正嫡當尊衆妾當卑今衆妾反勝正嫡是日月更迭而虧是以憂之至於煩寃憤眊如衣不澣之衣恨不能奮起而飛去也

柏舟五章章六句

綠兮衣兮綠衣黃裏心之憂矣曷維其已

比也綠蒼勝黃之間色黃

中央土之正色間色賤而以為衣正色貴而以為裏言皆失其所也已止也○莊公惑於嬖妾夫人莊姜賢而失位故作此詩言綠衣黃裏以比賤妾尊顯而正嫡幽微使我憂之不能自己也

○綠兮衣兮

綠衣黃裳心之憂矣曷維其亡

比也上曰衣下曰裳記曰衣正色裳間色今以

綠為衣而黃者自裏轉而為裳其失所益甚矣亡之為言忘也

○綠兮絲兮女

音汝所治

平聲兮我思古人俾無訖音尤叶兮比也女指其君子而

也俾使說過也○言綠方為絲而女又治之以比妾方少艾而女又嬖之也然則我將如之何哉亦思古人有

嘗遭此而善處之者以自勵焉使不至於有過而已

○絺兮綌兮淒

音妻

其以風

叶為

情反我思古人實獲我心

比也淒寒風也○絺綌而過寒風猶已之過時而見棄也故思

古人之善處此者真能先得我心之所求也

綠衣四章章四句

莊姜事見春秋傳此詩無所考姑從序說下三篇同

燕燕于飛差

初宜反

池其羽之子于歸遠送于野瞻望弗

及泣涕如雨

興也燕亂也謂之燕燕者重言之也差池不齊之貌之子指戴媯也歸大歸也○莊

姜無子以陳女戴媯之子完為己子莊公卒完即位嬖人之子州吁弑之故戴媯大歸于陳而莊姜送之作此

也詩

○燕燕于飛頡

與絜同

之頡

與杭同

之之子于歸遠于將

之瞻望弗及佇立以泣

興也飛而上曰頡飛而下曰頽將送也佇立久立也

○燕

燕于飛下上

上聲

其音之子于歸遠送于南瞻望弗及實

勞我心

興也鳴而上曰上音鳴而下曰下音送于南者陳在衛南

○仲氏任

平聲

只

其心塞淵

叶一均反

終溫且惠淑慎其身先君之思以勗寡

人

賦也仲氏戴媯字也以恩相信曰任只語辭塞實淵深終竟溫和惠順淑善也先君謂莊公也勗勉也寡

人寡德之人莊姜自稱也○言戴媯之賢如此又以先君之思勉我使我常念之而不失其守也楊氏曰州吁之暴桓公之死戴媯之去皆夫人失位不見答於先君所致也而戴媯猶以先君之思勉其夫人真可謂溫且

惠矣

燕燕四章章六句

日居月諸照臨下土乃如之人兮逝不古處胡能有定

寧不我顧

叶果五反○賦也日居月諸呼而訴之也之人指莊公也逝發語辭古處未詳或云以古

道相處也胡寧皆何也○莊姜不見答於莊公故呼日月而訴之言日月之照臨下土久矣今乃有如是之人而不以古道相處是其心志回惑亦何能有定哉而何為其獨不我顧也見棄如此而猶有望之意焉此詩之所以為厚也

○日居月諸下土是冒乃如之人兮逝不相好

呼報反

胡能有定寧不我報

賦也冒覆也報答也

○日居月諸出自

東方乃如之人兮德音無良胡能有定俾也可忘

賦也日旦

必出東方月望亦出東方德音美其辭無良醜
其實也俾也可忘言何獨使我為可忘者邪

○日居

月諸東方自出父兮母兮畜我不卒胡能有定報我不

述賦也畜養卒終也不得其夫而歎父母養我之不終
蓋憂患疾痛之極必呼父母人之至情也述循也言

不循義
理也

日月四章章六句

此詩當在燕燕之前下篇放此

終風且暴顧我則笑

叶音燥

謔

許約反

浪笑敖

音傲

中心是悼

比也終風終日風也暴疾也謔戲言也浪放蕩也悼傷也○莊公之為人狂蕩暴疾莊姜蓋不忍斥言之故但以終風且暴為比言雖其狂暴如此然亦有顧我則笑之時但皆出於戲慢之意而無愛敬之誠則又使我不

敢言而心獨傷之耳蓋莊公暴慢無常而莊姜正靜自守所以忤其意而不見答也

○終風且霾

與埋同

惠然肯來莫往莫來悠悠我思

比也霾雨土蒙霧也惠順也悠悠思

之長也○終風且霾以比莊公之狂惑也雖云狂惑然亦或惠然而肯來但又有莫往莫來之時則使我悠悠而思之望其君子之深厚之至也

○終風且曠

與縊同

不日有曠寤言不

寐願言則嚏

音帝同○比也陰而風曰曠有又也不日有曠言既曠矣不旋日而又曠也亦比人

之狂惑暫開而復蔽也願思也嚏孰嚏也人氣感傷閉鬱又為風霧所襲則有是疾也

○曠曠其

陰虺虺其雷寤言不寐願言則懷

比也曠曠陰貌虺虺雷將發而未震之聲

以比人之狂惑愈深而未已也懷思也

終風四章章四句

說見上

擊鼓其鏜

與湯同

踊躍用兵土國城漕我獨南行

賦也鏜擊鼓聲

也踊躍坐作擊刺之狀也兵謂戈戟之屬土土功也國

國中也漕衛邑名○衛人從軍者自言其所為因言衛

國之民或役土功於國或築城於漕而我

獨南行有鋒鏑死亡之憂危苦尤甚也

○從孫子仲

平陳與宋不我以歸憂心有忡

與充同○賦也孫氏子仲字時軍帥也平和也

合二國之好也舊說以此為春秋隱公四年州吁自立

之時宋衛陳蔡伐鄭之事恐或然也以猶與也言不與

我而歸也

○爰居爰處爰喪

息浪反

其馬于以求之于林之下

賦也爰於也於是居於是處於是喪其馬而求之於林下見其失伍離次無關志也

○死生契

與挈

同 闊與子成說執子之手與子偕老

賦也契濶隔遠之意成說謂成其約

誓之言○從役者念其室家因言始為室家之時期○
以死生契濶不相忘棄又相與執手而期以偕老也○

于

音吁下同

嗟闊兮不我活兮于嗟洵兮不我信

音荀

兮不我信

師人反

兮

賦也于嗟歎辭也闊契濶也活生洵信也信與申同○
言昔者契濶之約如此而今不得活偕老之信如此而
今不得伸意必死亡不復得
與其室家遂前約之信也

擊鼓五章章四句

凱風自南吹彼棘心棘心夭夭

與腰同

母氏劬勞

叶音僚○比也

南風謂之凱風長養萬物者也棘小木叢生多刺難長
而心又其稚弱而未成者也夭夭少好貌劬勞病苦也

○衛之淫風流行雖有七子之母猶不能安其室故其子作此詩以凱風比母棘心比子之幼時蓋曰母生眾子幼而育之其劬勞甚矣本其始而言以起自責之端也

○凱風自南吹彼棘薪母

氏聖善我無令人

興也聖叡令善也○棘可以為薪則成矣然非美材故以興子之壯大而

無善也復以聖善稱其母而自謂無令人其自責也深矣

○爰有寒泉在浚之下

後叶

五反有子七人母氏勞苦

興也浚衛邑○諸子自責言寒泉在浚之下猶能有所滋益於

浚而有子七人反不能事母而使母至於勞苦乎於是乃若微指其事而痛自刻責以感動其母心也母以淫風流行不能自守而諸子自責但以不能事母使母勞苦為辭婉辭幾諫不顯其親之惡可謂孝矣下章放此

○覲

與演
同 眈

與莞
同 黃鳥載好其音有子七人莫慰母心

興也。睨，清和圓轉之意。○言黃鳥猶能好其音以悅人，而我七子獨不能慰悅母心哉。

凱風四章章四句

雄雉于飛泄泄

與異同

其羽我之懷矣自詒伊阻

興也。雉野雞。雄

者有冠長尾，身有文采，善闕泄泄，飛之緩也。懷，思詒遺阻隔也。○婦人以其君子從役于外，故言雄雉之飛舒緩自得如此，而我之所思者，乃從役于外而自遺阻隔也。○雄雉于飛下上

時掌反其

音展矣君子實勞我心

興也。下上其音言其飛鳴自得也。展，誠也。言誠又言實，所以甚

言此君子之勞我心也

○瞻彼日月悠悠我思

叶新齋反

道之云遠曷

云能來

叶陵之反。○賦也。悠悠，思之長也。見日月之往來而思其君子從役之久也。

○百爾

君子不知德行

下孟反叶戶郎反

不伎

與至同

不求何用不臧

賦也

百猶凡也。伎，害求貪臧善也。○言凡爾君子，豈不知德行乎？若能不伎，害又不貪，求則何所為而不善哉？憂其遠行之犯患，冀其善處而得全也。

雄雉四章章四句

匏有苦葉，濟有深涉。深則厲，淺則揭。

與器同。○比也。匏，瓠也。匏之苦者，不

可食，特可佩以渡水而已。然今尚有葉，則亦未可用之時也。濟，渡處也。行渡水曰涉，以衣而涉曰厲，褰衣而涉曰揭。○此刺淫亂之詩。言匏未可用而渡，處方深行者，當量其淺深而後可渡，以比男女之際亦當量度禮義而行也。

○有瀾

與米同

濟盈有鷺

以小反

雉鳴濟盈不濡軌

與

同叶居 有反 雉鳴求其牡 比也 飛曰雌雄走曰牝牡 夫濟盈

必濡其轍 雉鳴當求其雄 此常理也 今濟盈而曰不濡 軌雉鳴而反求其牡 以淫亂之人不度禮義 非其配

耦而犯禮 以相求也 ○ 雝雝鳴鴈 旭 許玉 日始旦 士如歸妻

迨冰未泮 賦也 雝雝聲之和也 鴈鳥名似鵝畏寒 秋南

而納采 請期以旦 歸妻以冰泮而納采 請期迨冰未泮 之時 ○ 言古人之於婚姻 其求之不暴而節之 以禮如

此以深刺淫 亂之人也 ○ 招招舟子 人涉卬 否 叶蒲反

人涉卬 否卬須我友 叶羽軌反 比也 招招號名之貌

人招人以渡 人皆從之 而我獨否者 待我友之招而後 從之也 以比男女必待其配耦而相從而刺此人之不

也然

匏有苦葉四章章四句

習習谷風以陰以雨龜勉同心不宜有怒

叶暖五反

采葑

與封

同

采菲

與匪同

無以下體德音莫違及爾同死

叶想止反

○比也習

習和舒也東風謂之谷風葑蔓菁也菲似蒿莖麤葉厚而長有毛下體根也葑菲根莖皆可食而其根則有時而美惡德音美譽也○婦人為夫所棄故作此詩以叙其悲怨之情言陰陽和而後雨澤降如夫婦和而後家道成故為夫婦者當黽勉以同心而不宜至於有怒又言采葑菲者不可以其根之惡而棄其莖之美如為夫婦者不可以其顏色之衰而棄其德音之善但德音之不違則可以與爾同死矣

○行道遲遲

中心有違不遠伊邇薄送我畿音祈誰謂荼音徒苦其甘如

齊音泚宴爾新昏如兄如弟

待禮反○賦而比也遲遲舒行貌違相背也畿門內也茶

苦菜蓼屬也詳見良耜齊甘菜宴樂也新昏夫所更娶之妻也○言我之被棄行於道路遲遲不進蓋其足欲前而心有所不忍如相背然而故夫之送我乃不遠而甚邇亦至其門內而止耳又言茶雖甚苦反甘如齊以比已之見棄其苦有甚於茶而其夫方且宴樂其新昏如兄如弟而不見恤蓋婦人從一而終今雖見棄猶有望夫之情厚之至也○涇以渭濁湜湜音殖其止音止宴爾新昏不我

屑以毋逝我梁毋發我笱

與笱同

我躬不閱遑恤我後

胡

反○比也涇渭二水名涇水出今原州百泉縣笱頭山東南至永興軍高陵入渭渭水出渭州渭源縣烏鼠山

至同州馮翊縣入河混混清貌沚水渚也屑潔以與逝之也梁堰石障水而空其中以通魚之往來者也苟以竹為器而承梁之空以取魚者也閱容也○涇濁渭清然涇未屬渭之時雖濁而未甚見由二水既合而清濁益分然其別出之渚流或稍緩則猶有清濁婦人以自比其容貌之衰久矣又以新昏形之益見憔悴然其心則固猶有可取者但以故夫之安於新昏故不以我為潔而與之耳又言毋逝我之梁毋發我之筍以比欲戒新昏毋居我之處毋行我之事而又自思我身且不見容何暇恤我已去之後哉知不能禁而絕意之辭也

○就其深矣方之舟之就其淺矣泳之游之何有何亡

黽勉求之凡民有喪匍

音匍

匍反

救

叶居反

之

興也方桴舟船也潛

也

行曰泳浮水曰游匍匐手足並行急遽之甚也○婦人自陳其治家勤勞之事言我隨事盡其心力而為之深

則方舟淺則泳游不計其有與亡而勉強以
求之又周睦其鄰里鄉黨莫不盡其道也

○不我能

愔

與畜同

反以我為讎

既阻我德賈

音古

用不售

與壽同叶市周反

昔育恐育鞠

與菊同

及爾顛覆

與福同

既生既育比予于毒

賦也愔養阻却鞠窮也○承上章言我於女家勤勞如此而女既不我養而反以我為仇讎惟其心既拒却我之善故雖勤勞如此而不見取如賈之不見售也因念其昔時相與為生惟恐其生理窮盡而及爾皆至於顛覆今既遂其生矣乃反比我於毒而棄之乎張子曰育恐謂生於恐懼之中育鞠謂生於困窮之際亦通○

我有旨蓄

勅六反

亦以御

音語

冬宴爾新婚以我御窮有泂

光有潰

音繪

既詒我肄

音異

不念昔者伊余來暨

興也旨美蓄聚御當

也洗武貌潰怒色也肆勞墜息也○又言我之所以蓄聚美菜者蓋欲以禦冬月乏無之時至於春夏則不食之矣今君子安於新昏而厭棄我是但使我禦其窮苦之時至於安樂則棄之也又言於我極其武怒而盡遺我以勤勞之事曾不念昔者我之來息時也追言其始見君子之時接禮之厚怨之深也

谷風六章章八句

式微式微胡不歸微君之故胡為乎中露

賦也式發語辭微猶哀也

再言之者言哀之甚也微猶非也中露露中也言有霜濡之辱而無所庇覆也○舊說以為黎侯失國而寓於衛其臣勸之曰哀微甚矣何不歸哉我若非以君之故則亦胡為而辱於此哉○式微式微胡

不歸微君之躬胡為乎泥中

賦也泥中言有陷溺之難而不見拯救也

式微二章章四句

此無所考姑從序說

旄丘之葛

叶居謁反

兮何誕

音憚

之節兮叔兮伯

叶音逼

兮何多

日也

興也前高後下曰旄丘誕濶也叔伯衛之諸臣也舊說黎之臣子自言久寓於衛時物變矣故登

旄丘之上見其葛長大而節疎濶因託以起興曰旄丘之葛何其節之濶也衛之諸臣何其多日而不見救也此詩本責衛君而但斥其臣可見其優柔而不迫也

○何其處也必有與也何其

久

叶舉反也必有以也

賦也處安處也與與國也以他故也

○因上章何多日也而言何其安處而不來意必有與國相俟而俱來耳又言何其久而不來意其或有他故而不得來耳詩之曲盡人情如

此

○狐裘蒙戎匪車不東叔兮伯兮靡所與同

賦也大夫狐裘

裘蒙戎亂貌言弊也○又自言客久而裘弊矣豈我之
車不東告於女乎但叔兮伯兮不與我同心雖往告之
而不肯來耳至是始微諷切之或曰狐裘蒙戎指衛大
夫而譏其憤亂之意匪車不東言非其車不肯東來救
我也但其人不肯與俱來耳○瑣兮尾兮流離之子
今按黎國在衛西前說近是

叶獎里反叔兮伯兮褻音又如充耳賦也瑣細尾末也流離漂

也耳聾之人恒多笑○言黎之君臣流離瑣尾若此其
可憐也而衛之諸臣褻然如塞耳而無聞何哉至是然
後盡其辭焉流離患難之餘而其言
之有序而不迫如此其人亦可知矣

旄丘四章章四句

說同上篇

簡兮簡兮方將萬舞日之方中在前上處

上聲○賦也簡簡易不恭

之意萬者舞之總名武用于戚文用羽籥也日之方中
在前上處言當明顯之處○賢者不得志而仕於伶官
有輕世肆志之心焉故其言
如此若自譽而實自嘲也 ○碩人侯侯語公庭萬舞

有力如虎執轡如組

音祖○賦也碩大也侯侯大貌轡
今之韁也組織絲為之言其柔也

御能使馬則轡柔如組矣○又自譽
其才之無所不備亦上章之意也

○左手執籥

音藥

手秉翟

音笛叶
直角反

赫如渥

音者叶

公言錫爵

賦也執

者文舞也籥如笛而六孔或曰三孔翟雉羽也赫赤貌

渥厚漬也赭赤色也言其顏色之充盛也公言錫爵即
儀禮燕飲而獻工之禮也以碩人而得此則亦辱矣乃
反以其賚予之親洽為榮而誇美之亦玩世不恭之意

也 ○山有榛

音臻

隰有苓

音零

云誰之思西方美人彼美人

兮西方之人兮

興也榛似栗而小下濕曰濕苓一名大苦葉似地黃即今甘草也西方美人託

言以指西周之盛王如離騷亦以美人目其君也又曰西方之人者歎其遠而不得見之辭也○賢者不得志於衰世之下國而思盛際之顯王故其言如此而意遠矣

簡兮四章三章章四句一章六句

舊三章章六句今改定○張子

曰為祿仕而抱闕擊柝則猶恭其職也為伶官則雜於侏儒俳優之間不恭甚矣其得謂之賢者雖其迹如此而其中固有以過人又能卷而懷之是亦可以為賢矣東方朔似之

彼泉水亦流于淇有懷于衛靡日不思

叶新齋反變音

彼諸姬聊與之謀

叶謨悲反○興也變泉始出之貌泉水即今衛州共城之百泉也淇水出

相州林慮縣東流泉水自西北而東南來注之變好貌
諸姬謂姪娣也○衛女嫁於諸侯父母終思歸寧而不
得故作此詩言愆然之泉水亦流于淇矣我之有懷于
衛則亦無日而不思矣是以即諸姬而與之謀為歸衛
之計如下兩章之云也

○出宿于涕

音濟

飲餞

音踐

于禰

音你

女子有行

遠

去聲

父母兄弟問我諸姑遂及伯姊

叶獎里反

○賦也

之行者必有祖道之祭祭畢處者送之飲於其側而後
行也禰亦地名皆自衛來時所經之處也諸姑伯姊即
所謂諸姬也○言始嫁來時則固已遠其父母兄弟矣
况今父母既終而復可歸哉是以問於諸姑伯姊而謀
其可否云耳鄭氏曰國君夫人父母
在則歸寧沒則使大夫寧於兄弟

○出宿于干

叶居

飲餞于言載脂載牽

音轄叶

還

音旋

車言邁邁

反

臻于

衛不瑕有害

賦也干言地名適衛所經之地也脂以脂膏塗其牽使滑澤也牽車軸也不駕則脫

之設之而後行也還回旋也旋其嫁來之車也遄疾臻

至也瑕何古音相近通用○言如是則其至衛疾矣然

豈不害於義理乎疑之而不敢遂之辭也

○我思肥泉茲之永歎

叶宅涓反

思須

與漕

叶祖侯反

我心悠悠駕言出遊以寫我憂

賦也肥泉水名須漕衛邑

也悠悠思之長也寫除也○既不敢歸然其思

衛地不能忘也安得出遊於彼而寫其憂哉

泉水四章章六句

楊氏曰衛女思歸發乎情也其卒也不歸止乎禮義也聖人著

之於經以示後世使知適異國者父母

終無歸寧之義則能自克者知所處矣

出自北門

叶眉貧反

憂心殷殷終窶

音巨

且貧莫知我艱

叶居銀反

已焉哉

叶將其反下同

天實為之謂之何哉

比也北門背陽向陰殷殷憂也窶者

貧而無以為禮也○衛之賢者處亂世事暗君不得其志故因出北門而賦以自比又歎其貧窶人莫知之而

歸之於天也

○王事適我政事一埤

音

益我我入自外室人

交徧適

音責叶竹棘反

我已焉哉天實為之謂之何哉

賦也王事王命

使為之事也適之也政事其國之政事也一猶皆也埤厚室家適責也○王事既適我矣政事又一切以埤益

我其勞如此而窶貧又甚室人至無以自安而交徧適我則其困於內外極矣

○王事敦

叶都回反

我政事一埤遺

去聲叶夷回反

我我入自外室人交徧摧

徂回反

我已焉哉天實為之謂之何哉

賦也敦猶投擲也遺加推沮也

北門三章章七句

楊氏曰忠信重祿所以勸士也衛之忠臣至於窶貧而莫知其

艱則無勸士之道矣仕之所以不得志也先王視臣如手足豈有以事投遺之而不知其艱哉然不擇事而安之無慙之辭知其無可奈何而歸之於天所以為忠臣也

北風其涼雨

去聲

雪其雱

音滂

惠而好

去聲

我攜手同行

叶戶郎反

其虛其邪

音徐下同

既亟只

音紙

且

音疽下同

○比也北風寒涼之風也涼寒氣也雱雪

盛貌惠愛行去也虛寬貌邪一作徐緩也亟急也只且語助辭○言北風雨雪以比國家危亂將至而氣象愁慘也故欲與其相好之人去而避之且曰是尚可以寬徐乎彼其禍亂之迫已甚而去不可不速矣○北

風其嘒

音皆叶居奚反

雨雪其霏

音非

惠而好我攜手同歸其虛

其邪既亟只且

比也。喑疾聲也。霏雨雪分散之狀。歸者去而不反之辭也。

○莫赤匪

狐莫黑匪烏惠而好我攜手同車其虛其邪既亟只且

比也。狐獸名似犬黃赤色烏鷄黑色皆不祥之物人所惡見者也。所見無非此物則國將危亂可知。同行同歸猶賤者也。同車則貴者亦去矣。

北風三章章六句

靜女其姝

音樞

俟我於城隅愛而不見搔

音騷

首踟

音池

躑

音廚

○賦也。靜者閒雅之意。姝美色也。城隅幽僻之處。不見者期而不至也。踟躑猶躑躅也。此淫奔期會之詩也。

○靜女其變貽我彤

音同

管

音充

反

彤管有煒

音偉

說

音悅

懌

音亦

女美

賦也嬾好貌於是則見之矣彤管未詳何物蓋相贈以結殷勤之意耳焯赤貌言既得此物而又悅

懌此女之美也

○自牧歸荇洵美且異匪女之為美美人之

貽

與異同○賦也牧外野也歸亦貽也荇茅之始生者洵信也女指荇而言也○言靜女又贈我以荇而其

荇亦美且異然非此荇之為美特以美人之所贈故其物亦美耳

靜女三章章四句

新臺有泚

此音

河水瀰瀰

音

燕婉之求

籊

音

蔕除

不鮮

斯

反叶想止反○賦也泚鮮明也瀰瀰盛也燕安婉順也

籊蔕不能俯疾之醜者也蓋籊蔕本竹席之名人或編

以為困其狀如人之擁腫而不能俯者故又因以名此疾也鮮少也○舊說以為衛宣公為其子伋娶於齊而

聞其美欲自娶之乃作新臺於河上而要之國人惡之而作此詩以刺之言齊女本求與伋為燕婉之好而反得宣公醜惡之人也

○新臺有酒

音堆叶先典反

河水泔泔

音每叶美辨反

燕婉

之求遽蔭不殄

賦也酒高峻也泔泔平也殄絕也言其病不已也

○魚網之設

鴻則離之燕婉之求得此戚施

興也鴻鴈之大者離麗也戚施不能仰亦醜疾

也○言設魚網而反得鴻以興求燕婉而反得醜疾之人所得非所求也

新臺三章章四句

凡宣姜事首未見春秋傳然於詩則皆未有考也諸篇放此

二子乘舟汎汎

芳劒反

其景

叶舉兩反

願言思子中心養養

賦也

二子謂伋壽也乘舟渡河如齊也景古影字養養猶漾漾憂不知所定之貌○舊說以為宣公納伋之妻是為

宣姜生壽及朔朔與宣姜愬伋於公公命伋之齊使賊先待於隘而殺之壽知之以告伋伋曰君命也不可以逃壽竊其節而先往賊殺之伋至曰君命殺我○二子壽有何罪賊又殺之國人傷之而作是詩也

乘舟汎汎其逝願言思子不瑕有害

賦也逝往也不瑕疑辭義見泉水此

則見其不歸而疑之也

二子乘舟二章章四句

太史公曰余讀世家言至於宣公之子以婦見誅弟

壽爭死以相讓此與晉太子申生不敢明驪姬之過同俱惡傷父之志然卒死亡何其悲也或父子相殺兄弟相殺亦獨何哉

邶十九篇七十二章三百六十三句

鄘一之四

說見上篇

汎彼柏舟在彼中河

髡音菑

彼兩髦實維我儀

叶牛何反

之死

矢靡它

音拖

母也天

叶鐵因反

只

音紙下同

不諒人只

興也中河中於河也

髮

垂貌兩髦者剪髮夾自子事父母之飾親死然後去之

此蓋指共伯也我共姜自我也儀匹之至矢誓靡無也

只語助辭諒信也○舊說以為衛世子共伯蚤死其妻

共姜守義父母欲奪而嫁之故共姜作此以自誓言柏

舟則在彼中河兩髦則寔我之匹雖至於死誓無他心

母之於我覆育之恩如天罔極而何其不諒我之心乎

不及父者疑時獨母在或非父意耳

○汎彼柏舟在彼河側髡彼兩髦實

維我特之死矢靡慝

音忒

母也天只不諒人只

興也特亦匹也慝邪

也。以是為慝，則其絕之甚矣。

柏舟二章章七句

牆有茨不可埽

叶蕪后反

也。中冓

音姤

之言不可道

叶徒厚反

也。所

可道也。言之醜也。

興也。茨，蒺藜也。蔓生細葉，子有三角，刺人。中冓，謂舍之交積材木也。道，言

醜惡也。○舊說以為宣公卒，惠公幼，其庶兄頑烝於宣姜，故詩人作此詩以刺之。言其閨中之事皆醜惡而不可言理。

或然也。○牆有茨不可襄也。中冓之言不可詳也。所可

詳也。言之長也。

興也。襄，除也。詳，詳言之也。言之長者，不欲言而託以語長，難竟也。

○牆

有茨不可束也。中冓之言不可讀也。所可讀也。言之辱

也

興也束束而去之也
讀誦言也辱猶醜也

牆有茨三章章六句

楊氏曰公子頑通乎君母閨中之言至不可讀其汚甚矣

聖人何取焉而著之於經也蓋自古淫亂之君自以為密於閨門之中世無得而知者故自肆而不反聖人所以著之於經使後世為惡者知雖閨門之言亦無隱而不彰也其為訓戒深矣

君子偕老副笄六珈

音加叶居河反

委委

音威

佗佗

音駝

如山如河

象服是宜

叶牛何反

子之不淑云如之何

賦也君子夫也偕老言偕生而偕死

也女子之生以身事人則當與之同生與之同死故夫死稱未亡人言亦待死而已不當復有他適之志也副祭服之首飾編髮為之笄衡笄也垂于副之兩旁當耳其下以紉懸瑱珈之言加也以玉加於笄而為飾也委

委佗佗雍容自得之貌如山安重也如河弘廣也象服法度之服也淑善也○言夫人當與君子偕老故其服飾之盛如此而雍容自得安重寬廣又有以宜其象服今宣姜之不善乃如此雖有是服亦將如之何哉言不

稱也○玼此音兮玼兮其之翟叶去聲也鬢音軫髮如雲不屑鬣

第音也玉之瑱吐殿反也象之栉敕帝反也揚且音之皙音錫叶征

例也胡然而天也胡然而帝也賦也玼鮮盛貌翟衣祭服刻繒為翟雉之形而

彩畫之以為飾也鬢黑也如雲言多而美也屑潔也鬣髮鬣也人少髮則以鬣益之髮自美則不潔於鬣而用

之也瑱塞耳也象象骨也栉所以摘髮也揚眉上廣也且助語辭皙白也胡然而天胡然而帝言其服飾容貌

之美見者驚猶鬼神也○瑳上聲兮瑳兮其之展音戰叶也蒙彼紉

緇音締是緇音袞音袞音半叶也子之清揚揚且之顏叶魚反也

展如之人兮邦之媛音院叶也賦也瑳亦鮮盛貌展衣

客之服也蒙覆也緇締締之威威者當暑之服也緇袞

束縛意以展衣裳締締而為之緇袞所以自斂飭也或

曰蒙謂加締締於褻衣之上所謂表而出之也清視清

明也揚眉上廣也顏額角豐滿也展誠也美女曰媛見

其徒有美色而無人君之德也

君子偕老三章一章七句一章九句一章八句東萊

呂氏曰首章之末云子之不淑云如之何責之也

二章之末云胡然而天也胡然而帝也問之也三

章之末云展如之人兮邦之媛

也惜之也辭益婉而意益深矣

爰采唐矣沫音妹之鄉矣云誰之思美孟姜矣期我乎桑

中

叶諸良反

要

音腰

我乎上宮

叶居王反

送我乎淇之上

叶辰羊反

矣

賦也

唐蒙菜也一名兔絲沫衛邑也書所謂妹邦者也孟長

也姜齊女言貴族也桑中上宮淇上又沫鄉之中小地

名也要猶迎也○衛俗淫亂世族在位相竊妻妾故此

人自言將采唐於沫而與其所思之人相期會迎送如

此也

○爰采麥叶訖力反矣沫之北矣云誰之思美孟弋矣期

我乎桑中要我乎上宮送我乎淇之上矣

賦也麥穀名秋種夏熟者

弋春秋或作姒蓋祀女

夏后氏之後亦貴族也

○爰采葑矣沫之東矣云誰之

思美孟庸矣期我乎桑中要我乎上宮送我乎淇之上

矣賦也葑蔓菁也庸未聞疑亦貴族也

桑中三章章七句

樂記曰鄭衛之音亂世之音也此於慢矣桑間濮上之音亡國

之音也其政散其民流誣上行私而不可止也按桑間即此篇故小序亦用樂記之語

鶉

純音

之奔奔鵲之彊彊

音姜

人之無良我以為兄

叶虛王

反○興

也鶉鵲屬奔奔彊彊居有常匹飛則相隨之貌人謂公子碩良善也○衛人刺宣姜與碩非匹耦而相從也故為患公之言以刺之曰人之無良○鶉鵲之不若而我反以為兄何哉

○鵲之彊彊鶉之奔

奔

叶逋

人之無良我以為君

興也人謂宣

姜君小君也

鶉之奔奔二章章四句

范氏曰宣姜之惡不可勝道也國人疾而刺之或遠

言馬或切言馬遠言之者君子偕老是也切言之者鷄之奔奔是也衛詩至此而人道盡天理滅矣中國無以異於夷狄人類無以異於禽獸而國隨以亡矣胡氏曰楊時有言詩載此篇以見衛為狄所滅之因也故在定之方中之前因以是說考於歷代凡淫亂者未有不至於殺身敗國而亡其家者然後知古詩垂戒之大而近世有獻議乞於經筵不以國風進講者殊失聖經之旨矣

定音訂之方中作于楚宮揆之以日作于楚室樹之榛栗

椅音醫桐梓漆爰伐琴瑟

賦也定北方之宿營室星也此星昏而正中夏正十月也於是

時可以營制宮室故謂之營室楚宮楚丘之宮也揆度也樹八尺之臬而度其日之出入之景以定東西又參日中之景以正南北也楚室猶楚宮互文以協韻耳榛栗二木其實榛小栗大皆可供籩實椅梓實桐皮桐梧

桐也梓楸之疎理白色而生子者漆木有液黏黑可飾
器物四木皆琴瑟之材也爰於也○衛為狄所滅文公
徙居楚丘營立宮室國人悅之而作是詩以美之蕪氏
曰種木者求用於十年之後其不求近功凡此類也

○升彼虛

起音嶇反呂反

矣以望楚矣望楚與堂景山與京

居叶

良反降觀于桑卜云其吉終焉允臧

賦也虛故城也楚楚丘也堂楚丘之旁邑

也景測景以正方面也與既景廼岡之景同或曰景山
名見商頌京高丘也桑木名葉可飼蠶者觀之以察其
土宜也允信臧善也○此章本其始之望
景觀卜而言以至於終而果獲其善也
○靈雨既零

命彼倌

官音

人星言夙駕說

稅音

于桑田
叶徒反
匪直也人秉

心塞淵

叶一反

駭

音

牝三千

叶倉新反○賦也靈善零落也倌人主駕者也星見星也

說舍止也秉操塞實淵深也馬七尺以上為駮○言方春時雨既降而農桑之務作文公於是命主駕者晨起駕車亟往而勞勸之然非獨此人所以操其心者誠實而淵深也蓋其所畜之馬七尺而牝者亦已至於三千之衆矣蓋人操心誠實而淵深則無所為而不成其致此富盛宜矣記曰問國君之富數馬以對今言駮牝之衆如此則生息之蕃可見而衛國之富亦可知矣此章又要其終而言也

定之方中三章章七句

按春秋傳衛懿公九年冬狄入衛懿公及狄人戰于

熒澤而敗死焉宋桓公迎衛之遺民渡河而南立宣姜子申以廬于漕是為戴公是年卒立其弟燬是為文公於是齊桓公合諸侯以城楚丘而遷衛馬文公大布之衣大帛之冠務材訓農通商惠工敬教勸學授方任能元年草車三十乘季年乃三百乘

蛭音帝 蝮音凍 在東莫之敢指女子有行遠去聲 父母兄弟也

蛭蝮虹也日與雨交倏然成質似有血氣之類乃陰陽之氣不當交而交者蓋天地之淫氣也在東者莫虹也虹隨日所映故朝西而莫東也○此刺淫奔之詩言蛭蝮在東而人不敢指以比淫奔之惡人不可道况女子有行又當遠其父母兄弟豈可不顧此而冒行乎 ○朝音賈 于西崇朝其雨女

子有行遠兄弟父母

叶滿補反○比也 隣升也 周禮十 輝九曰隣注以為虹蓋忽然而見

如自下而升也崇終也從旦至食時為終朝言方雨而虹見則其雨終朝而止矣蓋淫慝之氣有害於陰陽之和也今俗謂虹能截雨信然 ○乃如之人也懷昏姻也大無信叶斯 人反

也不知命

叶彌 并反

也

賦也乃如之人指淫奔者而言昏姻 謂男女之欲程子曰女子以不自失

為信命正理也。○言此淫奔之人但知思念男女之欲是不能自守其貞信之節而不知天理之正也。程子曰：人雖不能無欲，然當有以制之，無以制之而惟欲之從，則人道廢而入於禽獸矣。以道制欲則能順命。

蝮螫三章章四句

相

去聲

鼠有皮

叶蒲何反

人而無儀

叶牛何反

人而無儀不死何為

叶吾何反。○興也。相視也。鼠蟲之可賤惡者。○言視彼鼠而猶必有皮可以人而無儀乎。人而無儀則其不死

亦何為哉

○相鼠有齒人而無止人而無止不死何俟

叶羽已反

又音始。○興也。止容止也。俟待也。

○相鼠有體人而無禮人而無禮胡

不遑死

叶想支體也。遑速也。

相鼠三章章四句

子子

結音

干旄在浚

峻音

之郊

高叶音

素絲紕

避音

之良馬四之

彼姝

音

者子何以畀

音

之

賦也子子特出之貌干旄以旄牛尾注於旗干之首而建

之車後也浚衛邑名邑外謂之郊紕織組也蓋以素絲織組而維之也四之兩服兩駟凡四馬以載之也姝美也子指所見之人也畀與也○言衛大夫乘此車馬建此旌旄以見賢者彼其所見之賢者將何以畀之而答其禮意

其禮意之勤乎

○子子干旄在浚之都素絲組

音

之良馬五之

彼姝者子何以予

音

之

賦也旗州里所建鳥隼之旗也上設旌旄其下繫旂旂下屬纒

皆畫鳥隼也下邑曰都五之五馬言其盛也

○子子干旄在浚之城素絲祝

之良馬六之彼姝者子何以告

音之

賦也析羽為旌干旌蓋析翟羽設於

旗干之首也城都城也祝屬也六之六馬極其盛而言也

干旄三章章六句

此上三詩小序皆以為文公時詩蓋見其列於定中載馳之間

故爾他無所考也然衛本以淫亂無禮不樂善道而亡其國今破滅之餘人心危懼正其有以懲創往事而興起善端之時也故其為詩如此蓋所謂生於憂患死於安樂者小序之言疑亦有所本云

載馳載驅

叶祛尤反

歸唁衛侯驅馬悠悠言至於漕

叶徂反

大

夫跋涉我心則憂

賦也載則也弔失國曰唁悠悠遠而未至之貌草行曰跋涉水行曰涉○宣

姜之女為許穆公夫人閔衛之亡馳驅而歸將以唁衛侯於漕邑未至而許之大夫有奔走跋涉而來者夫人

知其必將以不可歸之義來告故心以為憂也既而終不果歸乃作此詩以自言其意爾

○既不我

嘉不能旋反視爾不臧我思不遠既不我嘉不能旋濟

視爾不臧我思不閔

賦也嘉臧皆善也遠猶忘也濟渡也自許歸衛必有所渡之水也閔

閉也止也言思之不止也○言大夫既至而果不以我歸為善則我亦不能旋反而濟以至於衛矣雖視爾不以我為善然我之所思終不能自己也○陟彼阿丘言采其蟲音盲叶女

子善懷亦各有行

叶戶反

許人尤之衆穉

音羸

且狂

賦也偏高曰阿

丘蟲貝母也主療鬱結之疾善懷多憂思也猶漢書云岸善崩也行道尤過也○又言以其既不適衛而思終不止也故其在塗或升高以舒憂想之情或采蟲以療鬱結之疾蓋女子所以善懷者亦各有道而許國之衆

人以為過則亦少不更事而狂妄之人爾許人守禮非
稱且狂也但其不知己情之切至而言若是爾然而
卒不敢違焉則亦豈
真以為稱且狂哉 ○我行其野芄芄
蓬其麥音力反 控

于大邦誰因誰極大夫君子無我有尤叶于其反 百爾所思

叶新齋反 不如我所之賦也芄芄麥盛長貌控持而告之也

因如因魏莊子之因極至也大夫即
跋涉之大夫君子謂許國之衆人也○又言歸塗在野
而涉芄芄之麥又自傷許國之小而力不能救故思欲
為之控告于大邦而又未知其將何所因而何所至乎
大夫君子無以我為有過雖爾所以處此百方然不如
使我得自盡其
心之為愈也

載馳四章二章章六句二章章八句

事見春秋傳舊說此詩五章一

章六句二章三章四句四章六句五章八句蕪氏
合二章三章以為一章按春秋傳叔孫豹賦載馳
之四章而取其控于大邦誰因誰極之意與蕪說
合今從之范氏曰先王制禮父母沒則不得歸寧
者義也雖國滅君死不得
往赴焉義重於亡故也

鄘國十篇二十九章百七十六句

衛一之五

瞻彼淇奧

音與郁同

綠竹猗猗

音醫叶於何反

有匪君子如切如磋

平聲

如琢如磨瑟兮僖兮

音限

赫兮咺兮

况晚反

今有匪君子終

不可諼

音喧叶况遠反

兮

興也淇水名奧隈也綠色也淇上多竹漢世猶然所謂淇園之竹是也猗

今有匪君子終

猗始生柔弱而美盛也匪斐通文章著見之貌也君子指武公也治骨角者既切以刀斧而復磋以鑿錫治玉石者既琢以槌鑿而復磨以沙石言其德之脩飭有進而無已也瑟矜莊貌憺威嚴貌咺宣著貌諼忘也○衛人美武公之德而以綠竹始生之美盛興其學問自脩之進益也大學傳曰如切如磋者道學也如琢如磨者自脩也瑟兮憺兮者恂慄也赫兮咺兮者威儀也有斐君子終不可諼兮者道盛德至善民之不能忘也

瞻彼淇奧綠竹青青

精音

有匪君子充耳琇瑩

營音

會弁

如星瑟兮憺兮赫兮咺兮有匪君子終不可諼兮

興也青青

堅剛茂盛之貌充耳瑱也琇瑩美石也天子玉瑱諸侯以石會縫也弁皮弁也以玉飾皮弁之縫中如星之明也○以竹之堅剛茂盛興其服飾之尊嚴而見其德之稱也

○瞻彼淇奧綠竹如簣

音責叶
側歷反

有匪君子如金如錫如圭如璧寬兮綽兮猗

音倚

重

平聲

較

角音

兮善戲謔兮不為虐兮

興也

也責棧也竹之密比似之則威之至也

金錫言其鍛鍊之精純圭璧言其生質之溫潤寬宏裕也綽開大也猗歎辭也重較卿士之車也較兩轎上出也○以竹之至威興其德之成就而又言其寬廣而自如和易而中節也蓋寬綽無斂束之意戲謔非莊厲之時皆常情所忽而易致過差之地也然猶可觀而必有節焉則其動容周旋之間無適而非禮亦可見矣禮曰張而不弛文武不能也弛而不張文武不為也一張一弛文武之道也此之謂也

淇奥三章章九句

按國語武公年九十有五猶箴傲于國曰自卿以下至于師長

士苟在朝者無謂我老耄而舍我必恪恭於朝以
交戒我遂作懿戒之詩以自警而賓之初筵亦武
公悔過之作則其有文章而能聽規諫以禮自防
也可知矣衛之他君蓋無足以及此者故序以此
詩為美武公
而今從之也

考槃在澗

叶居賢反

碩人之寬

叶區權反

獨寐寤言永矢弗諼

音喧

○賦也考成也槃盤桓之意言成其隱處之室也陳氏
曰考扣也槃器名蓋扣之以節歌如鼓盆拊缶之為樂
也二說未知孰是山夾水曰澗碩大寬廣永長矢誓諼
忘也○詩人美賢者隱處澗谷之間而碩大寬廣無戚
戚之意雖獨寐而寤言
猶自誓其不忘此樂也 ○考槃在阿碩人之邁

音科獨寐

寤歌永矢弗過

音戈○賦也曲陵曰阿邁義未詳或云亦寬大之意也永矢弗過自誓所願不

踰於此若將終身之意也

○考槃在陸碩人之軸獨寐寤宿永矢弗

告

音谷○賦也高平曰陸軸盤桓不行之意寤宿已覺而猶卧也弗告者不以此樂告人也

考槃三章章四句

碩人其頡

音祈

衣

去聲

錦褰

音頰

衣齊侯之子

衛侯之妻

東宮

之妹邢侯之姨譚公維私

賦也碩人指莊姜也頡長貌錦文衣也裝禪也錦衣而加

裝焉為其文之太著也東宮太子所居之宮齊太子得臣也繫太子言之者明與同母言所生之貴也女子後生曰妹妻之姊妹曰姨姊妹之夫曰私邢侯譚公皆莊姜姊妹之夫互言之也諸侯之女嫁於諸侯則尊同故歷言之○莊姜事見抑風綠水等篇春秋傳曰莊姜美而無子衛人為之賦碩人即謂此詩而其首章極稱其

族類之貴以見其為正嫡小君所宜親厚而重歎莊公之昏惑也

○手如柔荑音膚如

凝脂領如蝤音蝨音齒如瓠音犀音螭音首蛾眉巧笑倩

兮美目盼叶匹兮賦也茅之始生曰萹言柔而白也凝脂脂寒而凝者亦言白也領頸也蝤

蝨木蟲之白而長者蝤犀瓠中之子方正潔白而比次整齊也螭如蟬而小其額廣而方正蛾蠶蛾也其眉細

而長曲脣口輔之美也盼黑白分明也○碩人音敖敖音

說音于農郊叶音四牡有驕音朱憤鑣鑣音翟音弗音

以朝音潮叶大夫夙退無使君勞賦也敖敖長貌說舍也農郊近郊也

四牡車之四馬驕壯貌憤鑣飾也鑣者馬銜外鐵人君以朱纒之也鑣鑣盛也翟翟車也夫人以翟羽飾車弗

蔽也婦人之車前後設蔽夙早也玉藻曰君日出而視朝退適路寢聽政使人視大夫大夫退然後適小寢釋服○此言莊姜自齊來嫁舍止近郊乘是車馬之盛以入君之朝國人樂得以為莊公之配故謂諸大夫朝於君者宜早退無使君勞於政事不得與夫人相親而歎今之不然也○河水洋洋北流活

活

音括叶戶劣反

施眾

音孤

瀝瀝

呼活反叶許月反

鱣

音遭

鮪發發

音撥叶方

反月葭

音加莢

反他覽

揭揭

音子

庶姜孽孽庶士有揭

音挈○賦也河在齊

西衛東北流入海洋洋盛大貌活活流貌施設也眾魚罟也瀝瀝罟入水聲也鱣魚似龍黃色銳頭口在頷下背上腹下皆有甲大者千餘斤鮪似鱣而小色青黑發盛貌莢蘆也亦謂之荻揭揭長也庶姜謂姪婦孽孽盛飾也庶士謂媵臣揭武貌○言齊地廣饒而夫人之來士女佼好禮儀盛備如此亦首章之意也

碩人四章章七句

氓之蚩蚩

音癡

抱布貿

音茂

絲

叶齊

反新

匪來貿

音齊

絲來即我謀

叶謀

悲反

送子涉淇至于頓丘

叶祛

奇反

匪我愆期

音奇

子無良媒

叶謀

悲反

將

音槍

子無怒秋以為期

賦也

氓民也

蓋男子而不知其

誰何之稱也

蚩蚩無知之貌

蓋

恐而鄙之也

布幣貿買也貿絲蓋初夏之時也頓丘地名愆過也將願也請也○此淫婦為人所棄而自叙其事以道其悔恨之意也夫既與之謀而不遂往又責所

無以難其事再為之約以堅其志此其計亦狡矣以御

蚩蚩之氓宜其有餘而不免於見棄蓋一失其身人所

賤惡始雖以欲而迷後必以時而悟是以無往而不困耳士君子立身一敗而萬事瓦裂者何以異此可不戒哉

○乘彼坳

音鬼

垣

音袁

以望復

音復

音復

闕

叶圭
員反

不見復闕泣涕連連

音連

既見復闕載笑載言爾

卜爾筮體無咎言以爾車來以我賄

呼罪反

遷

賦也坭毀垣牆也復

闕男子之所居也不敢顯言其人故託言之耳龜曰卜著曰筮體兆卦之體也賄財遷徙也○與之期矣故反期而乘坭垣以望之既見之矣於是問其卜筮所得卦兆之體若無凶咎之言則以爾之車來迎當以我之賄往遷也

○桑之未落其葉沃若于

音吁下同

嗟鳩兮無食桑甚

音甚叶
知林反

于嗟女兮無與士耽

叶持林反

士之耽兮猶可說也

女之耽兮不可說也

比而興也沃若潤澤貌鳩鵲也似山雀而小短尾青黑色多聲甚

桑實也鳩食甚多則致醉耽相樂也說解也○言桑之潤澤以比已之容色光麗然又念其不可恃此而從欲

忘反故遂戒鳩無食桑甚以興下句戒女無與士耽也
士猶可說而女不可說者婦人被棄之後深自愧悔之
辭主言婦人無外事唯以貞信為節一失其正則
餘無足觀爾不可便謂士之耽惑實無所妨也 ○桑

之落矣其黃而隕

叶于貧反

自我徂爾三歲食貧淇水湯湯

音傷漸音興

車帷裳女也不爽

叶師莊反

士貳其行

去聲叶戶郎反

士也

罔極二三其德

比也隕落徂往也湯湯水盛貌漸漬也惟裳車飾亦名童容婦人之車則有之

爽差極至也 ○言桑之黃落以比己之容色凋謝遂言自我往之爾家而值爾之貧於是見棄復乘車而渡水以歸復自言其過 ○三歲為婦靡室勞矣夙興夜寐靡不在此而在彼也

有朝

叶直豪反

矣言既遂矣至于暴矣兄弟不知咥

音戲

其笑

叶音

矣靜言思之躬自悼矣

賦也靡不夙早興起也啞笑貌○言我三歲為婦盡

心竭力不以室家之務為勞早起夜卧無有朝旦之暇與爾始相謀約之言既遂而爾遽以暴戾加我兄弟見我之歸不知其然但啞然其笑而已蓋淫奔從人不為兄弟所齒故其見棄而歸亦不為兄弟所恤理固有必然者亦何所歸咎哉但自痛悼而已○及爾偕老老使我怨淇則有岸叶

戰反

音畔叶

隰則有泮

叶伊

信誓旦

旦叶得

不思其反

叶孚

反是不思

叶新

亦已焉哉

叶將

○賦而興也及與也泮涯也高下之判也總角女子未許嫁則未笄但結髮為飾也晏晏和柔也旦旦明也○言我與汝本期偕老不知老而見棄如此徒使我怨也淇則有岸矣隰則有泮矣而我總角之時與爾宴樂言

笑成此信誓曾不思其反復以至於此也此則興也既
不思其反復而至此矣則亦如之何哉亦已而已矣傳
曰思其終也思其復
也思其反之謂也

氓六章章十句

籊籊

音笛

竹竿以釣于淇豈不爾思遠莫致之

賦也籊籊長而殺也

竹衛物淇衛地也○衛女嫁於諸侯思歸寧而不可得故作此詩言思以竹竿釣于淇水而遠不可致也

○

泉源在左淇水在右

叶羽軌反

女子有行遠

去聲

父母兄弟

叶滿

彼反○賦也泉源即百泉也在衛之西北而東南流入淇故曰在左淇在衛之西南而東流與泉源合故曰在右○思二水之在衛而自歎其不如也

○淇水在右泉源在左巧笑之瑳

上聲 佩玉之儺

乃可反。○賦也。瑳鮮白色笑而見齒其色。瑳然猶所謂粲然皆笑也。儺行有度也。○

承上章言二水在衛而自恨其不得笑語遊戲於其間也。

○淇水漉漉

音

檜楫松舟

駕言出遊以寫我憂

賦也。漉漉流貌。檜木名似栢楫所行舟也。○與泉水之卒章同意。

竹竿四章章四句

芄

音丸

蘭之支童子佩觿

音畦

雖則佩觿能不我知容兮遂

兮垂帶悸

其季反

兮

興也

芄蘭草一名蘿摩蔓生斷之有白汁可啖支枝同觿雖也以象骨為

之所以解結成人之佩非童子之飾也知猶智也言其才能不足以知於我也容遂舒緩放肆之貌悸帶下垂

之貌 ○芄蘭之葉童子佩鞶雖則佩鞶能不我甲容兮遂

兮垂帶悸兮

興也。鞮決也。以象骨為之。著右手大指。所以鈎弦。閻體鄭氏曰。杳也。即大射所謂朱

極三。是也。以朱韋為之用。以彊杳。右手食指將指。無名指也。甲長也。言其才能不足。以長於我也。

芄蘭二章章六句

此詩不知所謂。不敢強解。

誰謂河廣一葦

音偉

杭之誰謂宋遠跂

音企

予望

叶武反

之

賦也

葦。蒹葭之屬。杭。度也。衛在河北。宋在河南。○宣姜之女為宋桓公夫人。生襄公。而出歸于衛。襄公即位。夫人思之。而義不可往。蓋嗣君承父之重。與祖為體。毋出與廟絕。不可以私反。故作此詩。言誰謂河廣乎。但以一葦加之。則可以渡矣。誰謂宋國遠乎。但一跂足而望。則可以見矣。明非宋遠而不可至也。乃義不可而不得往耳。

○誰謂河廣曾不容刀誰謂宋遠曾不崇朝

賦也。小船曰刀。不容

乃言小也崇終也行
不終朝而至言近也

河廣二章章四句

范氏曰夫人之不往義也天下豈有無母之人歟有千乘之國

而不得養其母則人之不幸也為襄公者將若之
何生則致其孝沒則盡其禮而已衛有婦人之詩
自共姜至於襄公之母六人焉皆止於禮義而不
敢過也夫以衛之政教淫僻風俗傷敗然而女子
乃有知禮而畏義如此者則
以先王之化猶有存焉故也

伯兮

音

今邦之桀兮伯也執殳

音

殊為

去聲

王前驅

賦也

伯婦

人目其夫之字也竭武貌桀才過人也殳長丈二而無刃
○婦人以夫久從征役而作是詩言其君子之才之美
如是今方執殳而為王前驅也
○自伯之東首如飛蓬豈無膏沐誰

適音為容

賦也蓬草名其華如柳絮聚而飛如亂髮也膏所以澤髮者沐滌首去垢也適主也言

我髮亂如此非無膏沐可以為容所以不為者君子行役無所主而為之故也傳曰女為說已容

○其

雨其雨杲杲

古老反

出日願言思伯甘心首疾

比也其者冀其將然

之辭○冀其將雨而杲然日出以比望其君子之歸而不歸也是以不堪憂思之苦而寧甘心於首疾也○

焉

音煙

得諼

音萱

草言樹之背

音佩

願言思伯使我心痲

音妹○賦

也諼忘也諼草合歡食之令人忘憂者背北堂也痲病也○言焉得忘憂之草樹之北堂以忘吾憂乎然終不忍忘也是以寧不求此草而但願言思伯雖至於心痲而不辭爾心痲則其病益深非特首疾而已也

伯兮四章章四句

范氏曰居而相離則思期而不至則憂此人之情也文王之遺

戎役周公之勞歸士皆叙其室家之情男女之思以閔之故其民悅而忘死聖人能通天下之志是以能成天下之務兵者毒民於死者也孤人之子寡人之妻傷天地之和名水旱之災故聖王重之如不得已而行則告以歸期念其勤勞哀傷慘怛不啻在已是以治世之詩則言其君上閔恤之情亂世之詩則錄其室家怨思之苦以為人情不出乎此也

有狐綏綏在彼淇梁心之憂矣之子無裳

比也狐者妖媚之獸綏綏

獨行求匹之貌石絕水曰梁在梁則可以裳矣○國亂民散喪其妃耦有寡婦見鰥夫而欲嫁之故託言有狐獨行而憂其無裳也

○有狐綏綏在彼淇厲心之憂矣之子無帶

叶丁計反○比也厲深水可涉處也帶所以申束衣也在厲則可以帶矣

○有狐綏綏在彼

淇側心之憂矣之子無服

叶蒲北反○比也濟乎水則可以服矣

有狐三章章四句

投我以木瓜

叶攻乎反

報之以瓊琚

音居

匪報也永以為好

去聲

也

比也木瓜楸木也實如小瓜酢可食瓊玉之美者琚佩玉名○言人有贈我以微物我當報之以重寶而

猶未足以為報也但欲其長以為好而不忌耳疑亦男女相贈答之辭如靜女之類

○投我以木

桃報之以瓊瑤匪報也永以為好也

比也瑤美玉也

○投我以

木李報之以瓊玖

音久叶舉里反

匪報也永以為好也

比也玖亦玉名

也

木瓜三章章四句

衛國十篇三十四章二百三句

張子曰衛國地濱大河其地土

薄故其人氣輕浮其地平下故其人質柔弱其地肥饒不費耕耨故其人心怠惰其人情性如此則其聲音亦淫靡故聞其樂使人懈慢而有邪僻之心也鄭詩放此

王一之六

王謂周東都洛邑王城畿內方六百里之地在禹貢豫州大華外方之間北得

河陽漸冀州之南也周室之初文王居豐武王居鎬至成王周公始營洛邑為時會諸侯之所以其土中四方來者道里均故也自是謂豐鎬為西都而洛邑為東都至幽王嬖褒姒生伯服廢申后及太子宜臼宜臼奔申申侯怒與犬戎攻宗周弑幽王于戲晉文侯鄭武公迎宜臼于申而立之是為

平王徙居東都王城於是王室遂卑與諸侯無異故其詩不為雅而為風然其王號未替也故不曰

周而曰王其地則今河南府及懷孟等州是也

彼黍離離彼稷之苗行邁靡靡中心搖搖知我者謂我

心憂不知我者謂我何求悠悠蒼天

叶鐵因反

此何人哉

賦而

興也黍穀名苗似蘆高丈餘穗黑色實圓重離離垂貌稷亦穀也一名稌似黍而小或曰粟也邁行也靡靡猶遲遲也搖搖無所定也悠悠遠貌蒼天者據遠而視之蒼蒼然也○周既東遷大夫行役至于宗周過故宗廟宮室盡為禾黍閔周室之顛覆徬徨不忍去故賦其所見黍之離離與稷之苗以興行之靡靡心之搖搖既歎時人莫識已意又傷所以致此者果何人哉追怨之深也○彼黍離離彼稷之穗

音遂

行邁靡靡中心如醉知我者謂我心憂不知我者謂我

何求悠悠蒼天此何人哉

賦而興也穗秀也稷穗下垂如心之醉故以起興

○

彼黍離離彼稷之實行邁靡靡中心如噎

音咽叶於悉反

知我

者謂我心憂不知我者謂我何求悠悠蒼天此何人哉

賦而興也噎憂深不能喘息如噎之然稷之實如心之噎故以起興

黍離三章章十句

元城劉氏曰常人之情於憂樂之事初遇之則其心變焉次遇

之則其變少哀三遇之則其心如常矣至於君子忠厚之情則不然其行役往來固非一見也初見稷之苗矣又見稷之穗矣又見稷之實矣而所感之心終始如一不少變而愈深此則詩人之意也

君子于役不知其期曷至哉

叶將黎反

雞棲

音西

于埶

音時

日之

夕矣羊牛下來

叶陵之反

君子于役如之何勿思

叶新齋反

○賦也君

子婦人目其夫之辭鑿牆而棲曰埶日夕則羊先歸而牛次之○大夫久役于外其室家思而賦之曰君子行役不知其反還之期且今亦何所至哉雞則棲于埶矣日則夕矣牛羊則下來矣是則畜產出入尚有旦暮之節而行役之君子乃無休息之時使我如何而不思也哉○君子于役不日不月曷

其有佻

音括叶戶劣反

雞棲于桀日之夕矣羊牛下括

音括叶古劣反

君子于役苟無飢渴

叶巨列反

○賦也佻會桀杙括至苟且也○君子行役之久不可計

以日月而又不知其何時可以來會也亦庶幾其免於飢渴而已矣此憂之深而思之切也

君子于役二章章八句

君子陽陽左執簧

音黃

右招我由房其樂

音洛

只且

音疽
○賦

也陽陽得志之貌簧笙等管中金葉也蓋笙竽皆以竹管植於匏中而竅其管底之側以薄金葉障之吹則鼓之而出聲所謂簧也故笙竽皆謂之簧笙十三簧或十九簧等十六簧也由從也房東房也只且語助辭○此詩疑亦前篇婦人所作蓋其夫既歸不以行役為勞而安於貧賤以自樂其家人又識其意而深歎美之皆可謂賢矣豈非先王之澤哉

○君子陶陶左執翽

音桃

右招

我由教

音翽

其樂只且

賦也陶陶和樂之貌翽舞者所持羽旄之屬教舞位也

君子陽陽二章章四句

揚之水不流束薪彼其音記之子不與我戍申懷叶胡威反哉

懷哉曷月予還

旋音歸哉

興也揚悠揚也水緩流之貌彼其之子戍人指其室家而言也

戍屯兵以守也申姜姓之國平王之母家也在今鄧州信陽軍之境懷思曷何也○平王以申國近楚數被侵伐故遣畿內之民戍之而戍者怨思作此詩也興取之不二字如小星之例

○揚之水不流

束楚彼其之子不與我戍甫懷哉懷哉曷月予還歸哉

興也楚木也甫即呂也亦姜姓書呂刑禮記作甫刑而孔氏以為呂侯後為甫侯是也當時蓋以申故而并戍之今未知其國之所在

○揚之水不流束蒲叶滂古反彼其

之子不與我戍許懷哉懷哉曷月予還歸哉

興也蒲蒲柳春秋傳

云董澤之蒲杜氏云蒲楊柳可以為箭者是也許國名亦姜姓今潁昌府許昌縣是也

揚之水三章章六句

申侯與犬戎攻宗周而弑幽王則申侯者土法必誅不赦

之賊而平王與其臣庶不共戴天之讎也今平王知有母而不知有父知其立已為有德而不知其弑父為可怨至使復讎討賊之師反為報施酬恩之舉則其忘親逆理而得罪於天已甚矣又況先王之制諸侯有故則方伯連帥以諸侯之師討之王室有故則方伯連帥以諸侯之師救之天子鄉遂之民供貢賦衛王室而已今平王不能行其威令於天下無以保其母家乃勞天下之民遠為諸侯戍守故周人之戍申者又以非其職而怨思焉則其衰懦微弱而得罪於民又可見矣嗚呼詩亡而後春秋作其不以此也哉

中谷有推

吐雷反

嘆

罕音

其乾矣有女仳

音

離嘒其嘆

音

矣

嘒其嘆矣遇人之艱難矣

興也推離也葉似桂方莖白華華生節間即今益母草也

嘆燥仳別也嘒歎聲艱難窮厄也○凶年饑饉室家相棄婦人覽物起興而自述其悲歎之辭也

○中

谷有推嘆其脩矣有女仳離條其獻

叶息反

矣條其

獻矣遇人之不淑矣

興也脩長也或曰乾也如脯之謂脩也條條然獻獻貌獻感口出聲也

悲恨之深不止於嘆矣淑善也古者謂死喪饑饉皆曰不淑蓋以吉慶為善事凶禍為不善事雖今人語猶然也○曾氏曰凶年而遽相棄背蓋哀薄之甚者而詩人乃曰遇斯人之艱難遇斯人之不淑而無怨懟過甚之辭焉厚之至也

○中谷有推嘆其濕矣有女仳離啜

張芳反

其泣

矣吸其泣矣何嗟及矣

興也嘆濕者旱甚則草之生於濕者亦不免也吸泣貌何嗟及

矣言事已至此末如之何窮之甚也

中谷有推三章章六句

范氏曰世治則室家相保者上之所養也世亂則室

家相棄者上之所殘也其使之也勤其取之也厚則夫婦日以衰薄而凶年不免於離散矣伊尹曰匹夫匹婦不獲自盡民主罔與成厥功故讀詩者於一物失所而知王政之惡一女見棄而知人民之困周之政荒民散而將無以為國於此亦可見矣

有兔爰爰雉離于羅我生之初尚無為

叶吾禾反

我生之後

逢此百罹

叶良何反

尚寐無吪

比也兔性陰狡爰爰緩意雉性耿介離麗羅網尚猶罹憂

也尚庶幾也叱動也○周室衰微諸侯背叛君子不樂其生而作此詩言張羅本以取兔今兔狡得脫而難以耿介反離于羅以比小人致亂而以巧計幸免君子無辜而以忠直受禍也為此詩者益猶及見西周之盛故曰方我生之初天下尚無事及我生之後而逢時之多難如此然既無如之何則但庶幾寐而不動以死耳或曰興也以免爰興無為以

○有兔爰爰雉離于罟

音乎叶步

雉離興百罹也下章放此

廟反我生之初尚無造我生之後逢此百憂叶一尚寐無

覺

音教叶居笑反○比也罟覆車也可以掩免造亦為也覺悟也

○有兔爰爰雉離于

罟音街我生之初尚無庸我生之後逢此百凶尚寐無聰

比也罟罟也即罟也或曰施羅於車上也庸用聰聞也無所聞則亦死耳

兔爰三章章七句

縣縣葛藟

音

在河之許

音

終遠

去聲

兄弟謂他人父謂他

人父亦莫我顧

叶果五反

岸上曰許

○興也

縣縣長而不絕之貌

○世衰民散有去其鄉里家

族而流離失所者作此詩以自歎言縣縣葛藟則在河

之許矣今乃終遠兄弟而謂他人為已父已雖謂彼為

父而彼亦不我顧

則其窮也甚矣

○縣縣葛藟在河之涘

音侯叶矣

始二音

終

遠兄弟謂他人母

叶滿

謂他人母亦莫我有

叶羽已反

○興也水

涯曰涘謂他人父者其妻則母也

有識有也春秋傳曰不有寡君

○縣縣葛藟在河之

涘

澹

音

終遠兄弟謂他人昆

叶古

謂他人昆亦莫我聞

叶

微

○興也水

涯曰涘謂他人父者其妻則母也

勻反○興也夷上洒下曰澹澹之為言脣也昆兄也間相聞也

葛藟三章章六句

彼采葛

叶音謁

兮一日不見如三月兮

賦也采葛所以為絺絺蓋淫奔者託

以行也故因以指其人而言思念之深未久而似久也

○彼采蕭

叶疎橋反

兮一日不

見如三秋兮

賦也蕭荻也白葉莖麤科生有香氣祭則燔以報氣故采之曰三秋則不止三月矣

○彼采艾兮一日不見如三歲

本與艾叶

兮

賦也艾蒿屬乾之可灸故采之

曰三歲則不止三秋矣

采葛三章章三句

大車檻檻毳

尺鏡反

衣如蒺

吐敢反

豈不爾思畏子不敢

賦也

大車大夫車檻檻車行聲也毳衣天子大夫之服蒺蘆之始生也毳衣之屬衣繪而裳繡五色皆備其青者如蒺爾淫奔者相命之辭也子大夫也不敢不敢奔也○周衰大夫猶有能以刑政治其私邑者故淫奔者畏而歌之如此然其去二南之化則遠矣此可以觀世變也

○大車噶噶

音吞

毳衣如璫

音門豈不爾思畏子不奔

賦也噶噶重遲之貌璫玉赤色五色備則有赤

○穀則

異室死則同穴

叶戶橋反

謂予不信有如皦

音皎

日賦也穀生穴壙皦白

也○民之欲相奔者畏其大夫自以終身不得如其志也故曰生不得相奔以同室庶幾死得合葬以同穴而已謂予不信有如皦日約誓之辭也

大車三章章四句

丘中有麻彼留子嗟彼留子嗟將

音槍

其來施施

叶蛇賦也麻

穀名子可食皮可績為布者子嗟男子之字也將願也施施喜悅之意○婦人望其所與私者而不來故疑丘中有麻之處復有與之私而留○丘中有麥彼留子國

彼留子國將其來食

賦也子國亦男子字也來食就我而食也

○丘中有李

彼留之子

叶獎里反

彼留之子貽我佩玖

叶舉里反○賦也之子并指前二人

也貽我佩玖冀其有以贈已也

丘中有麻三章章四句

王國十篇二十八章百六十二句

詩經集傳卷二

謹案卷二第二十六頁前六行注文武不能也文
武不爲也考禮記不並作弗



覆校官編修臣曹城

校對官檢討臣龔大萬

謄錄監生臣樊少巨

謄錄監生臣左德麟